

備急千金要方卷第十五下

朝奉郎守太常卿秘閣直學判登聞檢院上護軍賜緋魚袋臣林億等校

熱痢第七

論一首

方二十六首

脉證二十四條
灸法十首

論曰余立身已來二遭熱痢一經冷痢皆日夜百餘行乃至移牀就廁其困篤如此但率意自治者尋手皆愈乃知此疾天下易治但中性之徒率情驕倨良藥苦口不能克已早餌朝遇暮過望其自差疾勢日增胃氣漸弱心力俱微食飲與藥皆不能進既不時愈便稱痢病難治斯皆自誤也學者須深達斯旨然此病隨宜服一物皆得差之惟須力意苦已服食以差為限則無不愈也又大須慎口味重者差後百日次者一月日所以常哀驕恣者不能自慎興言於此以為至慨矣古今痢方千萬首不可具載此中但撮其效者七八而已雖然弘之在人也何則陟牧厘丸烏梅丸松皮散等暴痢服之

何有不差其溫脾湯建脾丸方出下久下得之焉能不愈大

凡痢有四種謂冷熱疳蠱冷則白熱則赤疳則赤白相雜無

復節度多睡眠澀蠱則純痢痰血熱則多益黃連去其乾薑

冷則加以熱藥疳則以藥吹灌下部蠱毒則以蠱法治之藥

既主對相當痢者復自勉勵服餌焉有不愈者也

凡服止痢藥初服皆劇患人不解即止其藥不服此特不可

但使藥與病源的相主對雖劇但服不過再三服漸漸自知

惟非其主對者本勿服也

凡痢病通忌生冷酢滑猪雞魚油乳酪酥乾脯醬粉鹹所食

諸食皆須大熟爛為佳亦不得傷飽此將息之大經也若將

息失所聖人不救也

下利抅滑而數有宿食當下之

金澤文庫

下利脉遲而滑者實也利為未止急下之

下利脉反滑當有所去下乃愈

下利不欲食者有宿食當下之

下利而腹痛滿為寒實當下之

下利腹中堅者當下之

下利而譏語者腹內有燥屎宜下之

下利三部皆平一作浮按其心下堅者急下之

下利差至其年月日時復發者此為下不盡更下之愈

風寒下者不可下下之後心下堅痛脉遲一作浮此為寒但當温

之脉沈緊下之亦然脉大浮弦下之當已下利脉浮大此為

虛以強下之故也設脉浮革者因爾腸鳴當温之

下利脉遲緊為痛未欲止當温之得冷者滿而便腸垢

下利身軀疼痛急救裏諸温之屬可與理中肆逆附子湯熱

藥輩

千金要方十五下
禮
下利大孔痛者當溫暖之

下利腹脹滿身體疼痛者先溫其裏乃攻其表

下利清穀不可攻其表汗出必脹滿

下利氣者當利其小便

下利脉反浮數人中自濡其人必清膿血

下利脉數而渴者今自愈設不差必清膿血有熱故也

下利脉沈弦者下重其脉大者為未止脉微弱數者為欲自

止雖發熱不死

下利脉沈而遲其人面少赤身有微熱下利清穀必鬱冒汗

出而解病人必微厥所以然者面戴陽下虛故也

下利有微熱而渴脉弱者今自愈

下利脉數有微熱汗出今自愈設脉緊為未解

下利脉反弦發熱身汗者自愈

下利脉大浮弦下當已

下利舌黃燥而不渴背_中實下不止者死

下利後脉絕手足厥冷_時脉還手足温者生不還不温者死
下利手足厥冷無脉者_{灸之}不温若脉不還反微喘者死少
陰負_{跌陽}者為順

凡六腑氣絕於外者手足寒上氣脚縮五藏氣絕於內者下
不自禁下甚者手足不仁也細尋取之萬不失一下病體略
例如此耳

素問曰春傷於風夏為膿血凡下多滯下也夏傷於風秋必
洞泄秋多下水也患是冷也夫積冷積熱及水穀實而下者
以大黃湯下之強人勿過兩劑皆消息五六日更進一劑其
補澀湯不效者三兩日可進一劑

陟釐丸治百病下痢及傷寒身熱頭痛目赤四肢煩疼不解

協熱下痢或嘔已吐下之腹內虛煩欲得冷飲飲不能消腹
中急痛溫食則吐乍熱乍冷狀如溫瘧或小便不利氣滿嘔
逆下痢不止方

水中陟釐兩

漢中木防已兩

紫石英兩

厚朴兩

隴西當歸兩

黃連兩

三歲醇苦酒升

上好豉升

右八味皆取真新者以苦酒二升漬防已極令潤出之留
苦酒置以利刀切防已厚令一分使厚薄悉等以板瓦覆
著炭火上以厚紙藉瓦上布成切防已著紙上訖從頭依
次反周而復始令色槁燥復漬向餘苦酒中更出著瓦上
熬之如此盡苦酒止勿令火猛徐徐熬令極燥各擣下篩
畢都合擣千杵以餘二升苦酒漬豉一宿明旦以瓦盆盛
之以一盆覆之蒸五升土下須土氣通流熟出之於盆中

研豉以新布絞取其濃汁如棗膏法以和藥擣三千杵頓丸皆如水中雞頭子大分著數囊中懸令陰乾取燥乃更盛著亟以蠟密封其際勿令見風塵此藥以三丸爲一劑平旦以井華水服一劑晝服一劑暮服一劑皆以水服之初服寧少食當舖食水飧欲服藥若食飲消腹中調和者日可一服若已差者二三日可一服消息以意若病重藥力未行者但益服之日可四五劑或時下不止者當復更增令腹中有藥力飲食消是其效也新服藥未安調當水飧助藥力心中了然然後可作羹臠但當冷食之耳若有時不喜冷食者正是藥力盡耳復益服藥至一宿許則復欲進冷也若欲不復藥者但稍溫食藥力自盡矣服藥不必須強多飲水也自隨體調耳以下虛服之如法禁熱食生魚猪肉蒜生菜酒綠酒發藥力令病者煩熱

也又禁辛物及諸肥膩難消物皆勿食也若有風病加防
風一兩人虛羸可加石斛一兩若宿有下痢腸胃損弱者
可加太一餘糧二兩半取石中黃軟香者若婦人產後疾
加石硫黃二兩小便黃赤不利加蒲黃一兩依方消息之
無不得效也胡洽云舊有五石赤石脂白石英鍾乳
礬石并禹餘糧各四兩常以二月合之

下痢熱諸治不差方

烏梅升

黃連

一斤金
色者

右二味末之蜜和服如梧子二十九日三夜二神妙

治積久三十年常下痢神方

赤松皮去上蒼皮切一斗為散麵粥和一升服之日

三差即止不過服一斗永差三十年痢服之百日差

治熱毒痢苦參橘皮丸方

苦參

橘皮

獨活

阿膠

藍青

黃連

鬼臼 一作鬼箭羽

黃蘗

甘草

右九味等分末之以蜜烱膠和併手丸之如梧子乾之飲服十九日三稍加之卒下注痢者大良

治諸熱毒下黃汁赤如爛血滯如魚腦腹痛壯熱方

黃蘗

黃芩

升麻

石榴皮 各六分

白頭翁

寄生

當歸

牡蠣

犀角

甘草 各二兩

黃連 二兩

艾葉 二分

右十二味呔咀以水六升煮取三升分三服

龍骨丸主下血痢腹痛方

龍骨

當歸

龍膽

附子

乾薑

黃連

羚羊角 各三銖

赤石脂

礬石 各一兩半

犀角

甘草

熟艾 各十銖

右十二味末之蜜和先食服如小豆十五丸日三加至二十九

又方

牛角鯁

當歸

龍骨

乾薑

熟艾各三兩

附子

黃蘗

赤石脂

芎藭

阿膠

厚朴

甘草

橘皮

芍藥

石榴皮各二兩

大棗二十枚

黃連五合

升麻一兩半

蜀椒一兩

右十九味咬咀以水一斗三升煮取四升去滓內牛角鯁

末阿膠消以綿絞去滓分七服日四夜三千金翼無橘皮

治血痢方

蒲黃三合

乾地黄

桑耳

甘草

芒消

茯苓

人參

柏葉

阿膠 艾葉各二兩 赤石脂分五兩 禹餘糧

黃連各一兩 生薑二兩

右十四味咬咀以水一斗煮取四升分温五服神效

治下雜血方

乾藍 犀角 地榆各二兩 蜜二合

右四味咬咀以水五升煮取一升半去滓下蜜煎取五合

分三服此治熱毒蠱妙

治熱毒下黑血五内絞切痛日夜百行氣絕欲死方

黃連升一 龍骨 白朮各二兩 阿膠

乾薑 當歸 赤石脂各三兩 附子一兩

右八味咬咀以水一斗煮取五升分五服余以正觀三年

七月十二日忽得此熱毒痢至十五日命將欲絕處此方

藥入口即定

治下血日夜七八十行方

黃連

黃蘗各四兩

右二味㕮咀淳酢五升煮取一升半分再服

白頭翁湯治赤滯下血連月不差方

白頭翁

厚朴

阿膠

黃連

秦皮

附子

黃蘗

茯苓

芍藥

各二兩

乾薑

當歸

赤石脂

甘草

龍骨

各三兩

大棗

三十枚

粳米

一升

右十六味㕮咀以水一斗二升先煮米令熟出米內藥煮

取三升分四服

治下赤連年方

地榆

鼠尾草各一兩

右二味㕮咀以水二升煮取一升分二服如不止取屋塵

水漬去滓一升分二服古今錄驗方云服屋塵汁一小盃

又方

鼠尾草

蓄薇根

秦皮

如無用獠皮代之

右三味等分咬咀以水淹煎去滓銅器重釜煎成丸如梧

子服五六丸日三稍增差止亦可濃汁服半升

治大熱毒純血痢不可差者方

黃連陸兩咬咀以水七升煮取二升半夜露著星

月下旦起空腹頓服之卧將息即止不差加黃芩

二兩更作服之仍不差者以疳痢法治之

治下久赤白連年不止及霍乱脾胃冷實不消温脾湯方

大黃兩四

人參

甘草

乾薑

各二兩

附子

一枚

右五味咬咀以水八升煮取二升半分三服臨熟下大黃與

後溫脾湯小異須大轉瀉者當用此方神效

治熱痢水穀方

黃連

阿膠略二

烏梅四十枚

黃蘗一兩

梔子三十枚

右五味㕮咀以水五升煮取二升半分三服亦治霍亂神良

治下痢絞痛腸滑不可差方

黃連

六兩

阿膠

鼠尾草

當歸

乾薑

略三兩

右五味㕮咀若大冷白多以清酒一斗煮取三升分三服

若熱及不痛者去乾薑當歸以水煮之

黃連湯治赤白痢方

黃連

黃蘗

乾薑

石榴皮

阿膠略三

當歸二兩

甘草一兩

右七味咬咀以水七升煮取三升分三服

茯苓湯治因下空竭欲死滯下膿血日數拾行羸篤垂死老少並宜服方

茯苓

黃蘗

黃連

龍骨

人參

乾薑

黃芩

桂心

芍藥

當歸

梔子人

甘草

各半兩

赤石脂

兩一

大棗

十二枚

右十四味咬咀以水五升煮取二升分再服不差滿三劑

此方主風虛冷痢最佳

女萎丸治熱病時氣下赤白痢遂成墮方

女萎

分三

烏頭

桂心

各四分

黃連

雲實

各二分

藜蘆

分三

代赭

分一

右七味末之蜜和為丸如梧子大服二九大下痢宿勿食

清旦以冷水服之勿飲食至日中過後乃飲食若得藥力
明日更服如前亦可長服虛羸晝夜百行膿血亦差亦名雲實丸
治赤白下痢大孔蟲生悉皆差此名聖湯方

鼠尾草兩 豉外

生薑

梔子人

桃皮握

右五味咬咀以水七升煮取二升半分三服一本單用桃
皮以酒煮服之

治赤白滯下方

成煎猪膏合

清酒合

右二味緩火煎十沸適寒溫頓服之取差止

又方 酒四升煮錢四十文取二升分三服

又方 亂髮雞子大燒末水服不過三服

治冷熱不調或水或膿或五色血者方

酢石榴五枚合殼子擣絞取二升汁服五合差止

泄痢食不消不作肌膚灸脾輸隨年壯

泄注五痢便膿血重下腹痛灸小腸輸百壯

泄痢久下失氣勞冷灸下腰百壯三報穴在八魁正中央脊骨上灸多益善也三宗骨是忌針

泄痢不禁小腹絞痛灸丹田百壯三報穴在臍下二寸針入五分

泄痢不嗜食食不消灸長谷五十壯三報穴在俠臍相去五寸一名循際

泄痢赤白漏灸足太陰五十壯三報

久泄痢百治不差灸足陽明下一寸高骨之上陷中去大指歧三寸隨年壯

又屈竹量正當兩膊脊上點訖下量一寸點兩傍各一寸復下量一寸當脊上合三處一灸三十壯灸百壯以上一切痢

皆斷亦治濕匿冷脊上當臍點處不灸

又灸臍中稍稍二三百壯

又灸關元三百壯十日灸并治冷痢腹痛在臍下三寸也

赤白下灸窮骨惟多為佳

冷痢第八方論一首 方三十二首

論曰舊治痢於貴勝用建脾丸多效今治積久冷痢先以温脾湯下訖後以建脾丸補之未有不效者貧家難以克辦亦無可將息也

温脾湯治積久冷熱赤白痢者方

大黃 桂心各三兩 附子 乾薑 人參各一兩

右五味咬咀以水七升煮取二升半分三服與前温脾小異

建脾丸治虛勞羸瘦身體重脾胃冷飲食不消雷鳴腹脹泄

痢不止方

鍾乳粉兩三

赤石脂

好麴

大麥蘖

當歸

黃連

人參

細辛

龍骨

乾薑

茯苓

石斛

桂心各二兩

附子兩一

蜀椒兩六

右十五味末之白蜜丸如梧子酒服十九日三加至三十

丸弱者飲服此方通治男女集驗無細辛龍骨

增損建脾丸治丈夫虛勞五藏六腑傷敗受冷初作滯下久

變五色赤黑如爛腸極臭穢者方

鍾乳粉

赤石脂各三兩

礬石一方用礬石

乾薑

菴蓉

桂心

石斛

五味子

澤瀉

遠志

寄生

柏子人

人參

白頭翁

天雄

當歸

石榴皮

牡蠣

龍骨

甘草各二兩

右二十味末之蜜丸酒服二十九日三加至四十九此二方止痢神驗

駐車丸治大冷洞痢腸滑下赤白如魚腦日夜無節度腹痛不可堪忍者方

黃連兩六

乾薑兩二

當歸

阿膠兩各三

右四味末之以大酢八合烱膠和之併手丸如大豆許乾之大人飲服三十九小兒百日以還三丸暮年者五九餘以意加減日三服

大桃花湯治冷白滯痢腹痛方

赤石脂

乾薑

當歸

龍骨

牡蠣兩各三

附子兩二

白朮升一

甘草

芍藥兩各一

人參兩一

右十味以水一斗二升煮取九升內諸藥煮取二

又方
分三服膿者加厚朴三兩嘔者加橘皮三兩

龍骨六兩

厚朴

當歸各二兩

赤石脂五兩

右四味呔咀以水七升煮取二升半分三服熱加白頭翁二兩半牡蠣三兩

桃花丸治下冷臍下攪痛方

赤石脂

乾薑各十兩

右二味蜜丸如豌豆服十九日三服加至二十九

倉米湯治小腹冷氣積聚結成冷痢日夜三四十行方

倉粳米

半升淨淘乾漉

薤白

一握去青切細

羊脂

一升熬

香豉

三升以水一斗煎取五升澄清

右四味先以羊脂煎薤白令黃并米內豉汁中煎取四升

旦空腹溫服一升如行十里更進一升得快利止若利不

止更服如前利後進粳米豉粥若復作更服一劑永差
附子湯治暴下積且不佳及久痢方

龍骨

甘草

芍藥

乾薑

黃連兩一

石榴皮大者一具

阿膠兩二

附子一枚

黃芩兩半

粳米合三

右十味咬咀以水八升煮取三升分三服

治卒下痢湯方

黃連兩五

生薑斤一

右二味咬咀以水五升煮取一升頓服未止更合服必定

治久冷痢下純白者此由積卧冷處經久病發遂令脾胃俱

冷日夜五六十行大小腹痛不可忍凡白痢屬冷赤痢屬熱勞

好麴米五升微熬令香粥清淳酒令熱和麴末一升

空腹頓服之日三服若至食時擣蒜一升令至熟下

薑椒末調和如常食之法惟須稠勿加鹽以水和麴
二升作饀餅極爛煮之乾漉熱內蒜薹臼中相和一
頓食之少與餘食至飢時仍進前食麴末酒比至差
來少食餘食以此法治不過兩日無有不差
治久冷或痢不痢但患腰腹苦冷方

上新蜀椒三升醋宿漬之以麴三升和椒一升緊拌
煮次作粥空腹頓服之加葱豉監任性調和不差更作
以差為限不過三升椒即愈此不但治冷大治諸虛
損冷極有所益久當自知耳

馬藺子丸治積冷痢下白膿方

馬藺子

一升熟
熬之附子

二兩

乾薑

甘草

各二兩半

神麴

麥蘖

阿膠

各五兩

黃連

三兩

蜀椒

合五

右九味末之蜜丸如梧子服二十九日二以知為度酒調散服方寸匕亦佳

治三十年痢不止厚朴湯方

厚朴

乾薑

阿膠各三兩

黃連五兩

石榴皮

艾葉各三兩

右六味咬咀以水七升煮取二升分再服

四續丸治三十年注痢骨立痿黃腸滑不差方一名蠟煎丸

雲實

五合熬令香

龍骨三兩

附子

女萎各二兩

白朮二兩半

右五味末之以蠟煎烱以丸藥如梧子大服五丸日三不

過五六服差

椒艾丸治三十年下痢所食之物皆不消化或青或黃四肢沈重起即眩倒骨肉消盡兩足逆冷腹中熱苦筋轉起止須扶陰冷無子方

蜀椒三百粒

熟艾一升

乾薑三兩

赤石脂二兩

烏梅一百枚

右五味椒薑艾下篩梅著一斗米下蒸令飯熟去核內薑椒末合搗三千杵蜜和丸如梧子服十九日三服不差至二十九加黃連一升

下痢丸治數十年痢下氣消穀令人能食夏月長將服之不霍乱方

法麴一升

附子

乾薑

黃連

黃蘗

桂心各三兩

蜀椒兩

烏梅二升

大麥蘗一升

吳茱萸兩四

右十味末之蜜和食後服如梧子十九日三加至二十九

三食三服亦可至四十九

麴蘗丸治數十年下痢不止消穀下氣補虛羸方

好麴

大麥蘗一升 附子

當歸

桂心各二兩

蜀椒兩

黃連

吳茱萸

烏梅肉

乾薑各四兩

右十味末之蜜丸如梧子食已服二十九日三服

烏梅丸治久痢諸藥不差數十年者消穀下氣補虛方

烏梅肉四兩

當歸三兩

桂心二兩

黃連

吳茱萸

乾薑各四兩

蜀椒半兩

右七味末之蜜丸如梧子食後服十九日三

治下痢腸滑飲食及服藥俱完出猪肝丸方

猪肝一斤熬令乾

黃連

烏梅肉

阿膠各二兩

胡粉七菑子

右五味末之蜜丸如梧子酒服二十九日三亦可散服方

寸匕

烏梅丸治冷痢久下方

烏梅三百枚

乾薑

黃連各十兩

當歸

蜀椒各四兩

細辛

附子

桂心

黃蘗

一方用
麥蘗

人參

各六兩

右十味末之以苦酒漬烏梅一宿去核蒸五升米下別擣如泥盤中攪令相得蜜和擣二千杵食前服如梧子十九日三服稍增至二十九

七味散治痢下久不差神驗方

黃連

分八

龍骨

赤石脂

厚朴

各二分

烏梅肉

分二

甘草

阿膠

分三

右治下篩漿水服二方寸匕日二小兒一錢匕

羊脂煎大治諸久痢不差方

亂髮

灰汁洗去
垢膩燒末

黃連

末各一升

烏梅肉

兩

酢

七合煎
取稠

白蠟

兩
棊子

羊脂

一棊
子

蜜

七合煎
取五合

右七味合內銅器中湯上煎之攪可丸飲服如梧子大三

十九日三棊子大小如方寸匕

又方

黍米升二

蠟

羊脂

阿膠

各二兩

右四味合煮作粥一服令盡即差

治大下後腹中空竭胃中虛滿不下食方

芍藥

甘草

半夏各一兩

厚朴

當歸

各三兩

生薑

五兩

桂心

三兩

右七味咬咀以水八升煮取三升分三服服二劑最佳

治下痢心膏滿不快腹中雷鳴或嘔吐方

黃連

五兩

橘皮

甘草

各二兩

龍骨

三兩

大棗

十五枚

人參

一兩

生薑

半夏

各三兩

右八味咬咀以水一斗先煮水一大沸乃內藥煮取三升

分四服并姪身良

斷痢湯治胃心下伏水方

半夏

外一

生薑

兩五

茯苓

甘草

龍骨

兩各二

附子

兩一

人參

黃連

兩各三

大棗

枚十二

右九味以水八升煮取三升分三服

治下後煩氣暴上香蘇湯方

香豉

兩五

生蘇

一把冬用蘇子三兩

右二味以水五升煮取二升頓服之

治卒大下痢熱脣乾口燥嘔逆引飲瀉心湯方

人參

甘草

黃芩

橘皮

栝樓根

兩各二

黃連

兩二

半夏

兩三

乾薑

兩一

右八味以水六升煮取二升分三服

胡洽云治老小

中雷鳴心下痞滿干嘔不安無橘皮栝樓若寒加附子一
枚渴加栝樓一兩嘔加橘皮一兩痛加當歸一兩仲景用

大棗十枚

治夏月暴冷忽則壯熱泄痢引飲熱湯下斷變通身浮腫成冷下結脉沈細小數方

澤漆一兩半

吳茱萸

茯苓

白朮

桔梗

當歸

犀角

青木香

海藻

芍藥

大黃略二

右十一味哎咀以水九升煮取三升分三服下後消息五六

日許可與女麴散

女麴散治利後虛腫水腫者服此藥小便利得止腫亦消方

女麴升

乾薑

細辛

椒目

附子

桂心略一

右六味治下篩酒服方寸匕不知加至二三日三產後

虛滿者大良

治卒暴冷下下部痠悶方

燒磚令熱大酢沃之三重布覆坐上即差

疔濕痢第九

論二首
方十首

論曰凡疔濕之病皆由暑月多食肥濃油膩取冷眠睡之所
得也禮云君子盛暑之月薄滋味無食肥濃煮餅此時以不
利人也養生者宜深戒之不爾多患疔濕耳

凡所患處或着口斷咽喉下部疔與月蝕並不痛令人不覺
其治用五月五日蝦蟇角蒿救月木寒食泔淀但得一事單
用之燒作灰和臘月猪脂傅之逐手便差極須慎口味耳

凡疔在慎鹽醬酢酥油棗等一切皆忌惟白飯豉苜蓿苦苳
蕪菁不在林示限

凡吹藥入下部沒中指許深即止

治疔濕下黑醫不能治垂死者方

觸髓灰

重黃

朱砂

青黛

石鹽

丁香

麝香

礬石

梔子

葇芎子

鐵衣

乾薑

故靴底灰

乾蝦蟇

五月五日者

細辛

土瓜根

芥子

蜀椒

葶藶

昌蒲

各等分

右二十味治下篩以竹筒吹杏人大著大孔中所有患疔瘡上悉傳之其丁香麝香別研擣著藥中合之一方有寒食泔淀救月木楸葉為二十三味若病大者用灌方如左

麝香

丁香

甘草

犀角

各三

右四味治下篩合和以鹽三合蜀椒三合豉二合以水二升煮取一升去滓內四味散合和分作二分灌大孔旦一灌酉一灌之凡久下一月不差成疔候大孔必寬者是以此主之

凡下血者是蠱也以八物茜根湯主之在蠱方中
治疳濕久下痢赤白百療不差者方

兔頭骨

蛇頭

疥莖子

故緋

並

葶藶子

狸骨

一雜骨

蜣螂

百草

五月五日收

倒掛草

牀中桃木

青黛

晚劫蟲

蛾

青礬

丁香

蠹蟲屎

麝香

苦參

黃蘗

乾薑

角蒿

朱砂

印成鹽

救月木

桂心

鐵衣

芒消

蝦蟇

黃礬

桂子

各等分

右二十九味治下篩以筒子內下部吹著日三度神方
治疳濕不能食身重心熱脚冷百節疼痛方

黃芩

芍藥

苦參

甘草

當歸

蜀椒

甘松一作甘定

青黛

熏黃

豉各三兩

葱白握

東引桃根握

鹽合一

麝香兩半

猪膽枚二

右十五味咬咀以水一斗八升煮取四升分為二分一度

灌一分湯如人體然後著麝香猪膽一枚即灌灌了作葱

豉粥食之後日更將一分如前灌之七日忌生冷毒物等

但是油膩醬乳醋三十日忌之大佳

治疳蝕人諸處但是赤血痢久不差立著即差秘之方

五月五日蝦蟇

一作救作

金銀土塢

人屎灰

各五兩一作護灰

麝香分一銀末

許豆

右五味治下篩傳瘡上即差三七日忌如前痢者吹下部

治疳痢不止方

苦參

甘草

熏黃各二兩

豉半一升

葱白五

蜀椒三十

右六味以苦參等三物各擣下篩以水五升煮葱白豉椒取三升以三指撮苦參末等各一撮內汁中冷暖如人體先飲少許豉汁食一口飯乃側卧徐徐灌之訖多時卧不出為佳大急乃出之於淨地當有疝濕蟲如白馬尾狀頭黑是其效也其重者肛大難差當取桃枝綿裹頭用前件汁適寒温烙之近脊烙之一上三十度烙乃差神驗

又方崔氏云晉代之地多五疝蝕人五藏通見脊骨下膿血及手足煩疼四肢無力夜卧煩躁不安面失血色肩骨疼下血乃死治之方或

雄黃

青箱酪三

苦參兩三

礬石

雌黃

鐵衣

藜蘆酪一

麝香二分

右八味治下篩以竹管內大孔中酸棗許吹內下部中日一不過三小兒以大豆許此方極救死

又方

大麻子

胡麻烙半

右二味並熬令黃以三升瓦瓶泥表上厚一寸待泥乾內
大麻等令滿以四五枚葦管插口中密泥之掘地作竈倒
立竈口底著瓦器承之密填竈孔中地平聚炭瓶四面著
擊壘之日沒放火燒之至明日開取適寒溫灌疔濕者下
部中一合尋覺咽中有藥氣者為佳亦不得過多則傷
人隔日一灌之重者再三灌之旦起灌至日夕極覺體中
乏力勿怪也非但治疔濕凡百異同瘡疥癬並洗塗之

論曰凡日月蝕時忌食飲腹中生蠱蟲及房室生子不具足
必患月蝕瘡亦不得與兒乳日月生後乃不忌令人口臭齒
斷宣露常有血出舌上生瘡者皆由犯此所致耳日月蝕時
須救不救出行逢暴雨其救月杖須收取治蠱之神藥預備

患此者施之救療

治月蝕惡瘡息肉方

硫黃

藺茹

斑猫

各等分

右三味治下篩傳瘡上乾者以猪脂和傳之日三夜一

又方

吴茱萸根

薔薇根

地榆根

各三兩

右三味治下篩以鹽湯洗瘡傳之日三

小兒痢第十方

温中湯治小兒夏月積冷洗浴過度及乳母亦將冷洗浴以

冷乳飲兒見壯熱忽值暴雨凉加之兒下如水胃虛弱則面

青肉冷眼陷乾嘔者宜先與此調其胃氣下即止方

乾薑

厚朴

各一分

當歸

桂心

甘草各三

人參

茯苓

白朮

桔梗各三

右九味以水二升煮取九合六十日至百日兒一服
二合半餘皆隨兒大小

溫中大黃湯治小兒暴冷水穀下或乳冷下青結不消或冷
實吐下乾嘔煩悶及冷滯赤白下者良若已服諸利湯去實
胃中虛冷下如水乾嘔眼陷煩擾不宜利者可除大黃若中
乳乳母洗浴水氣未消飲兒為霍亂者但用大黃也小兒諸
霍亂宜利者便用大黃不須利宜溫和者則除之方

乾薑

桂心

厚朴

甘草各一

當歸

人參

茯苓

白朮各二

大黃各六

桔梗各三

右十味以水二升半煮取八合凡兒三十日至六十

日一服二合七十日至一百日一服二合半二百日已來
一服三合

黃蘗湯治小兒夏月傷暴寒寒折大熱熱入胃下赤白滯如
魚腦壯熱頭痛身熱手足煩此太陽之氣外傷寒使熱氣便
入胃也服此方良若候以利藥下之或以溫脾湯下之則熱
痢以利藥下之便數去赤汁如爛肉者或下之不差後以瀝
熱藥斷之下既不止倍增壯熱者服之即效或是溫病熱盛
復遇暴寒折之熱入腹中下血如魚腦者服之良方

黃蘗

黃連

白頭翁一作白斂

升麻

當歸

牡蠣

石榴皮

黃芩

寄生

甘草絡二

犀角

艾葉絡一

右十二味咬咀以水三升煮取一升二合百日兒至二百
日一服三合二百餘日至暮歲一服二合半

治中結陽丸斷冷滯下赤白青色如魚腦脫肛出積曰腹痛
經時不斷者方

赤石脂分五

吳茱萸分三

乾薑

附子

當歸

厚朴

白朮

木蘭皮

白頭翁

黃連

黃蘗

石榴皮絡一

右十二味末之蜜丸如大豆三歲兒服五丸三歲已上服
十九十歲已上二十九丸暴下者服少許便差積下者盡一
劑更合之

治少小熱痢不止梔子丸方

梔子七枚

黃蘗分三

黃連分五

礬石分四

大棗四枚炙火令黑

右五味末之蜜丸如小豆大服五丸日三夜二服不知稍

加至十九

治少小泄清痢藜蘆丸方

藜蘆分二

黃連分二

附子分

右三味末之蜜丸如麻子大以粥飲服二丸立驗

治少小泄注四物梁米湯方

梁米

稻米

黍米各三

蠟如彈丸大

右四味以水五升東向竈煮梁米三沸去滓復以汁煮稻米三沸去滓復以汁煮黍米三沸去滓以蠟內汁中和之

蠟消取以飲之數試有效

治少小壯熱渴引飲下痢龍骨湯方

龍骨

甘草

大黃

赤石脂

石膏

桂心

寒水石

栝樓根各二兩

右八味治下篩以酒水各五合煮散二合二沸去滓量兒

大小服之

治少小下痢若熱不食傷飽不乳大黃湯方

大黃

甘草

麥門冬

各一兩

右三味咬咀以水二升煮取一升二三歲兒分三四服

生金牛黃湯主小兒積下不止因發癇方

生金

二銖一方用六銖無生金用熟金亦得法應作屑今方用成器者

牛黃

銖三

乾薑

細辛

人參

麻黃

黃連

甘草

右八味咬咀以水一升六合煮取八合去滓臨服研牛黃

以煮湯中嫌兒熱者用生薑代乾薑今世之生金但用

成器金亦善二三兩皆得用也

澤漆茱萸湯治小兒夏月暴寒寒入胃則暴下如水四肢被

寒所折則壯熱經日熱不除經月許日變通身虛滿腹痛其

脉微細服此湯一劑得數後漸安神方

澤漆

海藻

青木香

吳茱萸

分三

茯苓

白朮

桔梗

芍藥

當歸各五

大黃一分

右十味咬咀以水四升煮取一升半二百日至一歲兒一服二合半一歲已上至二歲一服四合

治少小久痢淋瀝水穀不調形羸不堪大湯藥者宜此枳實散方

枳實二兩治下篩三歲已上飲服方寸匕若兒小以

意服日三

治少小洞注下痢方

蒺藜子二升擣汁温服以差為度

又方 木瓜取汁飲之

又方 炒倉米末飲服之

又方 酸石榴燒灰末服半錢匕日三服

又方 狗頭骨灰水和服之

又方

羊骨灰 鹿骨灰

右二味並水和服之隨得一事即用之

又方

炒豉令焦水淋汁服之神驗冷則酒淋服

又方

五月五日百草末吹下部

治小兒赤白滯下方

薤白一把 豉一升

右二味以水三升煮取二升分三服

又方

柏葉一升 麻子末一升

右二味以水五升煮取三沸百日兒每服三合

又方 擣石榴汁服之

又方

亂髮灰

鹿角灰

分等

右二味三歲兒以水和服三錢匕日三

又方

牛角鰓灰水和服三方寸匕

又方

燒蜂房灰水和服之

治小兒赤白痢方

白蘘荷根汁

生地黃汁各五

右二味微火上煎一沸服之

又方

單服生地黃汁一合

又方

五月五日蝦蟇灰飲服半錢匕

治小兒熱痢方

煮木瓜葉飲之

治小兒冷痢方

蓼菜擣汁量大小飲之一作芥菜

又方 擣蒜薄兩足下

治小兒暴痢方

小鯽魚一頭燒末服之亦治大人

又方 燒鯉魚骨末服之一方作龍骨

又方 赤小豆末酒和塗足下日三油和亦得

治小兒蠱毒痢方

藍青汁一升二合分為四服

治小兒渴痢方

單擣冬瓜汁飲之

備急千金要方卷第十五下

備急千金要方卷第十六

胃腑

朝奉郎守太常卿充祕閣校理判登聞檢院上護軍賜緋魚袋具林

億等校正

胃腑脉論第一

胃虛實第二

喉龍論第三

反胃第四 酢咽附

嘔吐噦逆第五 惡心附

噎塞第六 哽附

脹滿第七

痼冷積熱第八 寒疝骨附

胃腑脉論第一

論曰胃腑者主脾也口唇者是其候也脾合氣於胃胃者水穀之腑也號倉庫守內番吏重二斤十四兩迂曲屈伸長二尺

六寸大一尺五寸徑五寸受水穀三斗五升其中當留穀二
斗水一斗五升廣腋大頸張背五穀乃容而滿上焦泄氣出
其精微悍滑疾下焦下漑泄諸小腸此腸胃所受水穀之
數也平人則不然胃滿則腸虛腸滿則胃虛更滿更虛氣得
上下五藏安定血脉和利精神乃居故神者水穀精氣也五
藏不足調於胃故腸胃之中當留穀二斗四升水一斗一升
故人一日再至後御後二升半一日中五升七日五七三
斗五升而留水穀盡故平人不飲不食七日而死者水穀精
氣津液皆盡故七日而死矣

右手關上陽絕者無胃脉也苦吞酸頭痛胃中有冷刺足太
陰治陰在足大指本節後一寸

右手關上陽實者胃實也苦腸中伏幅幅幅不思食得食不
能消刺足陽明治陽在足上動脉脉浮而芤浮則為陽芤則

為陰浮芤相搏胃氣生熱其陽則絕

跌陽脉浮大者此胃家微虛煩圍必日再行動作頭痛重熱氣朝者屬胃

胃脉搏堅而長其色赤當病折髀其奕而散者當病食痺髀痛病先發於胃脹滿五日之腎少腹腰脊痛脛痠三日之膀胱皆脊筋痛小便閉五日上之心脾心痛閉塞不通身痛體重

靈樞云

上之心三日不已死冬夜半後夏日暎

胃病者腹臘脹胃管當心而痛上支兩脇膈咽不通飲食不下下取三里

飲食不下膈塞不通邪在胃管在上管則抑而刺之在下管則散而去之

胃脹者腹滿胃管痛臘聞焦臭妨於食大便難胃瘡令人旦病也善飢而不能食食而支滿腹大刺足陽明

太陰橫脉出血

胃中有癖食冷物者痛不能食食熱則能食脾前受病移於胃脾欬不已嘔吐長蟲

厥氣客於胃則夢飲食

診得胃脉病形何如曰胃脉實則脹虛則洩脾應肉腠肉腠堅大者胃厚肉腠糜者胃薄肉腠小而糜者胃不堅肉腠不稱其身者胃下胃下者腕約肉腠不堅者胃緩肉腠無小果累標緊者胃急肉腠多小果累者胃結胃結者胃上腕約不利扁鵲云足太陰與陽明爲表裏脾胃若病實則傷熱熱則引水漿常渴虛則傷寒寒則苦飢常痛發於風水其根在胃先從四肢起腹滿大通身腫方在治水篇中

胃絕不治五日死何以知之舌腫溺血大便赤泄

足陽明之脉起於臍交頰中旁約太陽之脉下循臍外入上

齒中還出俠口環脣下交承漿却循頤後下廉出大迎循頰
車上耳前過客主人循髮際至額顙其支者從大迎前下人
迎循喉嚨入缺盆下膈屬胃絡脾其直者從缺盆下乳內廉
下俠臍入氣街中其支者起胃下口循腹裏下至氣街中而
合以下髀關抵伏兔下膝入臏中下循脗外廉下足跗入中
指內間其支者下膝三寸而別以下入中指外間其支者跗
上入大指間出其端是動則病悽悽振寒善伸數欠顏黑病
至誣人與火聞木音則惕然而驚心動欲獨閉戶牖而處甚
則欲上高而歌棄衣而走貴嚮腹脹是爲肝厥是主血所生
病者狂瘡溫淫汗出軌衄口喎脣緊頸腫喉痺大腹水腫膝
臏腫痛循膺乳街股伏兔胛外廉足跗上皆痛中指不用氣
盛則身以前皆熱其有餘於胃則消穀善飢溺色黃氣不足
則身以前皆寒慄胃中寒則脹滿盛者則人迎大三倍於寸

口虛者則人迎反小於寸口

胃虛實第二 脈二條 方一首 方三首

胃實熱

右手關上脈陽實者足陽明經也病苦頭痛 脈經作腹中汗

不出如溫瘡脣口乾善噦乳癰缺盆腋下腫痛名曰胃實熱也

瀉胃熱湯方

梔子人

射干

升麻

茯苓 略二

芍藥 兩四

白木 兩五

生地黄汁

赤蜜 各一

右八味咬咀以水七升煮取一升半去滓下地黄汁煮兩

沸次下蜜煮取三分三服老小以意加減

胃中熱病灸三里三十壯穴在膝下三寸

胃虛冷

右手關上脈陽虛者足陽明經也病苦脛寒不得卧惡風寒

灑灑目急腹中痛虛鳴聒虛鳴作時寒時熱唇口乾面目浮腫
名曰胃虛冷也

治少氣口苦身身無澤補胃湯方

防風

栝子人

細辛

桂心

橘皮各二兩

芎藭

吳茱萸

人參各三兩

甘草兩一

右九味咬咀以水一斗煮取三升分為三服

補胃虛寒身枯絕諸骨節皆痛人參散方

人參

甘草

細辛各六兩

麥門冬

桂心

當歸各七兩

乾薑二兩

遠志兩一

吳茱萸二分

蜀椒三分

右十味治下篩食後溫酒服方寸匕

喉龍論第三

論曰喉隴者脾胃之候也重十二兩長一尺二寸廣二寸其層圍十二重應十二時主通利水穀之道往來神氣若藏熱喉則腫塞氣不通烏翬膏主之方在第六卷中若腑寒喉則耿耿如物常欲窒癢痺涎唾熱則開之寒即通之不熱不寒依藏調之其方具第六卷中

反胃第四脉三條灸法三首方十六首

寸緊尺澀其人凶胃滿不能食而吐吐出者為下之故不能食設言未止者此為胃反故尺為之微澀

跌陽脉浮而澀浮即為虛澀即傷脾脾傷即不磨朝食暮吐暮食朝吐宿穀不化名為胃反跌陽脉緊而澀其病難治治胃虛反食下喉便吐方

人參

兩

澤瀉

甘草

桂心

各二兩

橘皮

乾薑略三

茯苓兩四

青竹筍兩五

大黃兩六

右九味㕮咀以水八升煮取三升一服七合日三夜一已利者去大黃

治反胃而渴方

茯苓

澤瀉

半夏

各四兩

桂心

甘草

各三兩

右五味㕮咀以水五升煮取二升分三服一方入生薑四兩治胃反吐逆不消食吐不止方

人參

澤瀉

桂心

各二兩

茯苓

四兩

橘皮

甘草

黃耆

各三兩

大黃

二兩半

生薑

八兩

半夏

一升

麥門冬

三升

右十一味㕮咀以水一斗二升煮取三升二合一服八合

日三夜一羸人六合已利去大黃

治胃反朝食暮吐食訖腹中刺痛此由久冷方

橘皮三兩

甘草

厚朴

茯苓

桂心

細辛

杏仁

竹皮各二兩

檳榔十枚

前胡八兩

生薑五兩

人參一兩

右十二味咬咀以水一斗三升煮取三升分三服一方有甘草二兩

又方

橘皮三兩

白朮

人參各二兩

蜀椒一百二十粒

桂心一兩

薤白握

右六味咬咀以水二升漬一宿內羊肚中縫合以三升水

煮水盡出之決破去滓分三服

治反胃大驗方

前胡

生薑各四兩

阿膠一兩

大麻人五兩

橘皮三兩

吳茱萸四合

桂心三寸

甘草五寸

大棗十枚

右九味咬咀以水三升酒二升煮取一升七合分二服

華佗治胃反胃反為病朝食暮吐心下堅如杯外往來寒熱
吐逆不下食此為關上寒澀所作將成肺痿治之方

真珠

雄黃

丹砂各三兩

朴消兩五

乾薑累

右五味末之蜜丸先食服如梧子三九若小煩者飲水即
解然無所忌神良無比一方用桂心一兩

治胃反食即吐方

擣粟米作麩水和作丸如楮子大七枚爛煮內醋中
細細吞之得下便已麩亦得用之

治胃反不受食食已即嘔吐大半夏湯方

半夏半

人參兩二

白蜜升

白朮升

生薑兩三

右五味咬咀以水五升和蜜揚之二三百下煮取一升半

分三服

治胃反食即吐出上氣方

薑蘆根

芎根

各二兩
細切

右二味以水四升煮取二升頓服之得下良

又方 燒先死雞臍脰灰酒服男雄女雌

又方 飲白馬尿即止

又方 淘小芥子暴乾為末酒服方寸匕日三

反胃食即吐出上氣炙兩乳下各一寸以差為度

又灸臍上一寸二十壯

又灸內踝下三指稍邪向前有穴三壯

外臺祕要三指作一指

治酢咽方

麴末

地黃

右二味合搗日乾以酒服三方寸七日三服

治噫酢咽方

吳茱萸斤半

生薑兩三

人參兩二

大棗十二枚

右四味以水六升煮取二升先食服一升日再

治食後吐酸水治中散方

乾薑

食茱萸各二兩

右二味治下篩酒服方寸匕日二胃冷服之立驗

嘔吐噦逆第五

脈一條論一首方二十
七首灸法十五首

夫吐家脈來形狀如新卧起陽緊陰數其人食已即吐陽浮而數亦為吐寸口脈緊而芤緊即為寒芤即為虛寒虛相搏脈為陰結而遲其人即噎閉上數其人則吐跌陽脈微而澁微即下利澁即吐逆穀不得入跌陽脈浮者胃氣虛寒氣在上憂氣在下二氣並爭但出不入其人即嘔而不得食恐怖如死寬緩即差嘔而脈弱小便復利身有微熱見厥難治

論曰凡服湯嘔逆不入腹者先以甘草三兩水三升煮取二升服之得吐但服之不吐益佳消息定然後服餘湯即流利更不吐也凡嘔者多食生薑此是嘔室聖藥

半夏湯主逆氣心中煩悶氣滿嘔吐氣上方

半夏升一

生薑斤一

茯苓

桂心

各五兩

右四味以水八升煮取二升半分三服若少氣加甘

草二兩一名小茯苓湯

前胡湯主寒熱嘔逆少氣心下結聚彭亨滿不得食寒熱消渴補不足方

前胡

生薑

各二兩

甘草

朴消

各二兩

大黃

別浸各二兩

茯苓

麥門冬

當歸

半夏

芍藥

滑石

石膏

栝樓根

黃芩

附子

人參

各一兩

右十六味呔咀以水一斗二升煮取六升分四服

治嘔吐四肢痺冷上氣腹熱三焦不調方

前胡

芎藭

甘草

當歸

石膏

人參

桂心

橘皮略二

芍藥兩三

半夏兩四

生薑兩五

大棗三十枚

右十二味呔咀以水一斗三升下黃芩三兩合煮取三升

分三服一方不用黃芩

治嘔吐不止小麥湯方

小麥升一

人參

厚朴各四兩

甘草兩一

生薑汁合三

青竹筍兩半

茯苓兩三

右七味呔咀以水八升煮取三升去滓分三服

治嘔而膈上寒猪苓散方

猪苓

茯苓

白朮各三兩

右三味治下篩以飲服方寸匕日三渴者多飲水

治嘔逆胃氣虛邪風熱不下食犀角人參飲子方

犀角

人參略三

薤白兩五

粟米合一

右四味咬咀以水四升半煮取一升七合下米煮令米熟

分四服相去七里久進一服

治春夏時行傷寒寒傷於胃胃冷變哕方

白茅根升一

橘皮

桂心

葛根略二

右四味咬咀以水六升煮取三升分三服數進服尽更合

有熱去桂

治諸嘔噦心下堅痞臍間有水痰眩悸者小半夏加茯苓湯

方出第十八卷中

治嘔噦方

人參兩一

胡麻人合

橘皮分一

枇杷葉兩八

右四味咬咀以水一斗煮枇杷葉取五升下藥煮取三升
內麻人稍飲之

治氣厥嘔噦不得息方

豉升一

半夏兩

生薑兩

人參

前胡

桂心

甘草各一兩

右七味咬咀以水九升煮取三升分三服

又方

大棗枚五

橘皮兩

豉升

附子枚一

生薑

甘草各一兩

右六味咬咀以水九升煎取二升分三服日三

治嘔噦方

蘆根切三升以水一斗煮取四升分四服

治卒嘔噦厥逆方

飲新汲冷水三升佳

治乾嘔噦若手足厥冷者橘皮湯方

橘皮兩四

生薑兩半

右二味㕮咀以水七升煮取三升分三服不止更合服之

治傷寒後噦乾嘔不下食方

生薑根切一

青竹筍升一

粳米合三

生薑兩一

右四味㕮咀以水五升煮取二升分三服不止服三劑

又方

通草

橘皮酪二

生薑根切一

粳米合三

右四味㕮咀以水四升煮取一升半分三服

治乾嘔吐逆涎沫出者方

半夏

乾薑各等分

右二味㕮咀以漿水一升半煮取七合頓服之日三

治病入乾嘔方

取羊乳汁飲一杯

治乾嘔方

酒浸馬屎一宿取汁服之

乾嘔不止粥食湯藥皆吐不停灸手間使三十壯若四厥脉沈絕不至者灸之便通此起死人法

乾嘔灸心主尺澤亦佳

又灸乳下一寸三十壯

治噦方

煮豉三升飲汁佳

又方 空腹飲薑汁一升

又方 濃煮蘆根汁飲之

噦灸承漿七壯炷如麥大

又灸臍下四指七壯

治惡心方

苦瓠穰并子一升碎以酒水三升煮取一升頓服須
臆吐并下如蝦蟇衣三升

又方

服小便百日佳

又方

麻子一升熬令香熟擣取酒三升熟研濾取一升飲
盡日二服盡一石差一切病自能食飲不能酒任性
多少

治食已吐其食方

大黃兩四

甘草兩二

右二味咬咀以水三升煮取一升半分再服

治食飲輒吐方

頓服生熟湯三升即止

吐逆嘔不得食灸心輸百壯

吐嘔逆不得下食今日食明日吐者灸膈輸百壯

吐變不得下食灸胃堂百壯

吐逆不得食灸巨闕五十壯

吐逆食不住灸胃管百壯三報

吐逆飲食却出灸脾募百壯三報章門穴也

吐嘔宿汁吞酸灸神光一名膽募百壯三報甲乙經云日月在期門

分下五

吐逆霍亂吐血灸手心主五十壯

噫噦膈中氣閉塞灸腋下聚毛下附肋宛宛中五十壯

噦噫嘔逆灸石關百壯

噎塞第六論一首二十八首

五噎丸主胃中久寒嘔逆逆氣食飲不下結氣不消方古錄驗

云五噎者氣噎憂勞噎食思噎氣噎者心悸動上下不通

冷勞噎者苦氣膈下支滿胃中填塞令手足逆冷不能自

溫食噎者食無多少惟胃中苦塞常痛不得喘息思噎者心

悸動喜忘日視眩暈此皆憂患

乾薑

蜀椒

食茱萸

桂心

人參各五

細辛

白朮

茯苓

附子各四

橘皮分六

右十味末之蜜和丸如梧子大以酒服三九日三服不知

稍加至十九

五噎丸主五種之氣皆令人噎方

人參

半夏

桂心

防風一作防葵

小草

附子

細辛

甘草各三兩

紫苑

乾薑

食茱萸

芍藥

烏頭各六

枳實兩一

右十四味末之蜜丸以酒服如梧子五丸日三不知加至十五丸烏頭半夏相反但去一味合之

竹皮湯治噎聲不出方

竹皮

一方用竹葉

細辛各二

甘草

生薑

通草

人參

茯苓

麻黃

桂心

五味子各一

右十味咬咀以水一斗煮竹皮減二升去竹皮下藥煮取

三升分三服

乾薑湯主飲食輒噎方

乾薑

石膏各四

栝樓根

集驗作栝樓

人參

桂心各二

半夏

各一

吳茱萸

各二

小麥升一

甘草

兩一

赤小豆

粒三十

右十味咬咀以酒五升水一斗煮棗二十枚去滓合煮取

三升分三服集驗名
半夏湯

通氣湯主腎滿氣噎方

半夏八兩

生薑六兩

桂心三兩

大棗三十枚

右四味咬咀以水八升煮取三升分五服日三夜二服

羚羊角湯治氣噎不通不得食方

羚羊角

通草

橘皮各二兩

厚朴

乾薑

吳茱萸各三兩

烏頭五枚

右七味咬咀以水九升煮取三升分三服日三

又方

杏仁

桂心各三兩

右二味末之蜜丸如棗大稍稍咽之臨食先含彌佳

治卒噎方

滿口著蜜食之即下

又方 捻取飯盆邊零飯一粒食之即下

又方 刮舂杵頭細糠含之即下神驗

治諸噎方

常食乾粳米飯即不噎

又方 末火炭蜜丸如彈子大含少少咽即下

又方 老牛涎棗核大水中飲之終身不復噎

論曰凡療病者皆以其類至如治噎之法豈宜以鷓鴣主骨噎
狸虎治魚噎耶至於竹篾薤白爵筋綿蜜等事乃可通為諸

噎用耳

治諸噎方

取鹿筋漬之令濡合而縈之大如彈丸以線繫之持
筋端吞之入喉推至噎處徐徐引之噎著筋出

又方

作竹箴刮令滑綿裏內咽中令至哽處可進退引之
哽即隨出

又方

用綿二兩以蜜煎使熱的的爾從外薄哽所在處灼
瓠以尉熨綿上若故未出復煮一段綿以代前并以皂
莢屑少少吹鼻中使得嚏哽出明瞭不出者治哽

又方

煮薤白令半熟小爵之以線繫薤中央捉線吞薤下
喉至哽處牽引哽即出矣

治哽咽方

以虎骨末若狸骨服方寸匕

又方

瞿麥末服方寸匕

治魚骨哽方

鷓鴣屎服方寸匕

又方

口稱鷓鴣鷓鴣則下

又方

服橘皮湯

又方

服沙糖水

又方

燒魚網灰服方寸匕

必效方云取魚網覆頭立下

治骨鯁在喉眾治不出方

取粘糖丸如雞子黃吞之不去更吞漸大作丸可至

十九止

又方

燒虎狼屎服之

又方

吞猪膏如雞子不差更吞差止

治食中吞髮咽不去繞喉方

取乱髮燒末酒服一錢匕

治吞錢方

艾蒿五兩以水五升煮取一升頓服之即下

又方 末火炭酒服方寸匕水服亦得

又方 服蜜二升即出

治吞金銀鑲及釵方

白糖二斤一頓漸漸食之多食益佳也

又方 吞水銀一兩再服之

悞吞鑲及指彊方

燒鴈毛二十七枚末服之鵝羽亦得

悞吞釵方

暴韭令菜蒸熟勿切食一束即出或生麥葉筋縷如

韭法皆可用但力意多食自消

悞吞銅鐵而哽者方

燒銅弩牙令赤內酒中飲之立愈

候吞釘針及箭鏃等方

但多食脂肥肉令飽自裹出

治候吞針方

取懸針磁石末飲服方寸匕即下

古今錄驗云今吞針在喉中而服磁

石末入腹若含磁石口中或吸針出耳

張滿第七

論一首方八首灸法十一首

論曰病者腹滿按之不痛者為虛按之痛者為實也夫腹中

滿不減減不驚人此當下之舌黃未下者下之黃自去腹滿

時減復如故此為寒當得溫藥腹滿口中苦乾燥腹間有水

是飲跗陽脉微弦法當腹滿不滿者必下部閉塞大便難兩

胫下疼痛此虛寒氣從下向上當以溫藥服之取差腹滿轉

痛來趣少腹為欲自下利也

一云腹中痛若轉氣下趣少腹為欲自利

溫胃湯主胃氣不平時脹欬不能食方

附子 當歸 厚朴 人參 橘皮

芍藥 甘草各一兩 乾薑五分 蜀椒三合

右九味㕮咀以水九升煮取三升分三服

大半夏湯主胃中虛冷腹滿塞下氣方

半夏外一升 大棗二十枚 甘草 附子 當歸

人參 厚朴各二兩 桂心五兩 生薑八兩 茯苓

枳實各二兩 蜀椒二百粒

右十二味㕮咀以水一斗煮取三升分三服

附子粳米湯主腹中寒氣脹滿腸鳴切痛背脅逆滿嘔吐方

附子一枚 半夏 粳米各半升 甘草一兩 大棗十枚

右五味㕮咀以水八升煮米熟去滓一服一升日三集驗加乾薑二兩

厚朴七物湯治腹滿氣脹方仲景云治腹滿發熱數十日脉浮數飲食如故者

厚朴

斤半

甘草

大黃

各三兩

大棗

十枚

枳實

五枚

桂心

二兩

生薑

五兩

右咬咀以水一斗煮取五升去滓內大黃煮取四升服八

合日三嘔噎者加半夏五合利者去大黃寒多者加生薑

至半斤

厚朴三物湯治腹滿發熱數十日脉浮而數飲食如故方

厚朴

半斤

大黃

四兩

陳枳實

大者五枚

右咬咀以水一斗二升煮取五升內大黃煎取三升去滓

服一升腹中轉動者勿服不動者更服一方加芒消二兩

治久寒背脊逆滿不能食吳茱萸湯方

吳茱萸

半夏

小麥

各一升

甘草

二兩

人參

桂心

各一兩

大棗

二十枚

生薑

八兩

右八味咬咀以酒五升水三升煮取三升分三服

治虛羸腎膈滿大桂湯方

桂心斤一 半夏升一 生薑斤一 黃耆兩四

右四味咬咀以水一斗半煮取五升分五服日三夜二

治男子卒勞內傷汗出中風腹脹大飢食不下心痛小便赤黃時白大便不利方

大黃 葶藶 寒水石 栝樓根

苦參 黃連各等分

右六味末之蜜丸以豉汁和飲服如梧子二九日三加至十九

臏脹脅腹滿灸膈輸百壯三報

腎滿心腹積聚痞痛灸肝輸百壯三報

脹滿水腫灸脾輸隨年壯三報

腹中氣脹引脊痛食飲多身羸瘦名曰食晦先取脾輸後

取季脇

藏腑積聚脹滿羸瘦不能飲食灸三焦輸隨年壯

脹滿雷鳴灸大腸輸百壯三報

脹滿氣聚寒冷灸胃管百壯三報穴在鳩尾下三寸

腹脹滿遠臍結痛堅不能食灸中守百壯穴在臍上一寸一

名水分

脹滿瘦聚滯下疼冷灸氣海百壯穴在臍下一寸忌不可針

脹滿氣如水腫狀小腹堅如石灸膀胱募百壯穴在中極臍

下四寸

脹滿腎冷瘦聚洩利灸天樞百壯穴在臍傍相對橫去臍兩傍

各二寸

痼冷積熱第八

論四一首方三十首
灸法一首

論曰凡人中寒者喜欠其人清涕出發熱色和者善嚏凡瞻

病者未脉望之口燥清涕出善嚏欠此人中寒其人下利以裏虛故也欲嚏不能此人腹中痛凡寒脉沈弦脉雙弦者寒也弦脉狀如張弓弦按之不移脉數弦者當下其寒脉雙弦而遲者心下堅脉大而緊者陽中有陰可下之右手寸口脉弦者即脅下拘急而痛其人漉漉惡寒師曰遲者為寒澀為無血寸口脉微尺中緊而澀緊即為寒微即為虛澀即為血不足故知發汗而復下之大露宿丸主寒冷百病方在第十七卷中

匈奴露宿丸治寒冷積聚方

礬石

桂心

附子

乾薑略二

右四味末之蜜丸如梧子一服十丸日三服稍加之

露宿丸主遇冷氣心下結緊嘔逆寒食不消并主傷寒晨夜觸寒冷惡氣方

附子

烏頭

桂心

礬石各四兩

右四味末之蜜丸以酒服如胡豆三九日三加至十九藥耐寒冷忌熱食近火宜冷食飲

治痼冷風眩寒中手足冷胃口寒臍下冷百病五勞七傷第一令人能食二強盛三益氣四有子神驗方

生地黄

十五斤取汁

烏頭

一百五十枚

大豆

三升半

右三味以除日咬咀烏頭以酒一斗半和地黄汁浸烏頭至破日絞去滓內豆藥汁中至除日出暴之有汁更浸而暴之至汁盡藥成初服從二豆起可至二十豆酒服之有病空腹服無病食後服四時合並得二月三月為上時藥令人能食益氣強盛有子髮白更黑齒落更生先病熱人不可服治心腹痼冷百治不差方

麴末

三斤

白朮

五兩

乾薑

桂心

各三兩

吳茱萸

蜀椒略二

右六味治下篩以米飲服方寸匕日二不過五劑諸冷頓愈無忌空腹服之

治積年冷病方

蜀椒兩二

香豉升一

右二味擣椒為末和豉更擣三千杵酒服如彈丸大七九日一服食前服

治諸冷極醫所不治方

馬藺子九升淨治去土空腹服一合日三飲及酒下之服訖須臾以食壓之服取差乃止

赤丸主寒氣厥逆方

茯苓

桂心各四兩

細辛兩一

烏頭

附子各二兩

射罔加大棗一枚

右六味末之內真朱為色蜜丸如麻子空腹酒服一九日
再夜一服不知加至二丸以知為度一方用半夏四兩而
不用桂

治胃滿有氣心腹中冷半夏湯方

半夏升一

桂心兩四

生薑兩八

右三味咬咀以水七升煮取二升一服禁食日三服
溫中下氣生薑湯方

生薑斤一

甘草兩三

桂心兩四

右三味咬咀以水六升煮取一升半服五合日三服
甘草湯主虛羸憒憒氣欲絕方

甘草

生薑

五味子各二兩

人參兩一

吳茱萸升一

右五味咬咀以水四升煮茱萸令小沸去滓內藥煮取一
升六合分二服服數劑佳

茱萸消石湯主久寒不欲飲食數十年癖飲方

吳茱萸合 消石升 生薑斤

右三味以酒一斗水解令得二斗煮藥取四升服二升病即下去勿更服也初下如泔後如污泥若如沫滓吐者更可服之養如乳婦法

大建中湯主心脅中大寒大痛嘔不能飲食飲食下咽自知偏從一面下流有聲決決然若腹中寒氣上衝皮起出見有頭足上下而痛其頭不可觸近方

蜀椒合 乾薑兩 人參兩 枳糖升

右四味咬咀以水四升煮取二升去滓內糖微火煮令得一升半分三服服湯如炊三斗米久可飲粥二升許更服當一日食糜溫覆之

大黃附子湯治脅下偏痛發熱其脉緊弦此寒也當以溫

藥下之方

大黃兩三

附子枚三

細辛兩三

右三味咬咀以水五升煮取二升分再服

論曰寸口脉弦而緊弦即衛氣不行即惡寒緊則不欲飲食弦緊相搏即為寒疝跗陽脉浮而遲浮即為風虛遲即為寒疝凡瘦人繞臍痛必有風冷穀氣不行而反下之其氣必衝不衝者心下則痞寒疝繞臍苦痛發即白汗出手足厥寒其脉沈弦大烏頭湯主之方

烏頭十五枚熬黑不切以水三升煮取一升去滓內

白蜜二斤煎令水氣盡得二升強人服七合羸人五

合一服未差明日更服日止一服不可再也仲景名二物烏頭煎

烏頭桂枝湯主大寒疝腹中痛逆冷手足不仁若一身盡痛

灸刺諸藥不能治方

秋乾烏頭實中者五枚除去角

白蜜斤一

右二味以蜜煎烏頭減半去滓以桂枝湯五合解之令得

一升許初服二合不知更進三合復不知加至五合其知

者如醉狀得吐者為中病也其桂枝湯方在傷寒中外臺云

以水二升半煮桂取一升以桂枝湯和蜜煎合煎之得一升許服又云范汪方本以桂枝湯和前烏頭煎服

論曰凡人患大熱皆須候脉若大大熱者不得一準方用藥

皆準病用藥大熱不可那者當兩倍三倍大大熱者乃至十

倍用之乃可制之爾有人苦熱不已皆由服石所致種種服

餌不能制止惟朴消煎可以定之武德中有貴高人師市奴

謂之金石凌非也此方直用二消寒水石石膏可也即不勞

金有金者貴高人所加也

朴消煎方

朴消_{斤一} 芒消_{兩八} 寒水石_{兩四} 石膏_{兩二} 金_{兩二}

右五味先內二消於八升湯中攪之令消以紙密封一宿
澄取清內銅器中別擣寒水石石膏碎如豆粒以絹袋盛之
內汁中以微火煎之候其上有漠起以筋投中著筋如凌
雪凝白急下瀉著盆中待凝取出烈日暴乾積熱困悶不
已者以方寸匕白蜜一合和冷水五合攪和令消頓服之
日三熱定即止

五石湯主胃間熱熱病後不除煩悶口中乾渴方

寒水石 消石 赤石脂 龍骨

牡蠣 甘草 黃芩 栝樓根_{各五}

知母 桂心 石膏_{各三} 大黃_{分一}

右十二味咬咀以水七升煮取三升分四服日三夜一

四石

竹葉湯主五心熱手足煩疼口乾唇燥胃中熱方

竹葉

小麥各一

知母

石膏各三

黃芩

麥門冬各二

人參半兩

生薑五兩

甘草

栝樓根

半夏各一

茯苓二兩

右十二味咬咀以水一斗二升煮竹葉小麥取八升去滓
內藥煮取三升分三服老小五服

半夏湯主胃中客熱心下煩滿氣上大小便難方

半夏升

生薑八兩

前胡四兩

茯苓五兩

甘草兩

黃芩

人參各二

杏仁

枳實各三

白朮五兩

右十味咬咀以水九升煮取三升分三服胃中大熱者沈
冷服之大小便澀加大黃三兩一方用梔子人二兩為十

一味

承氣湯主氣結胃中熱在胃管飲食嘔逆渴方

前胡

枳實

桂心

大黃

寒水石

知母

甘草略一

消石

石膏

栝樓根各二

右十味咬咀以水一斗煮取三升分三服

治熱氣手足心煩熱如火方

竹葉升二

枳實兩三

青蘗子

白前略一

吳茱萸

黃芩各二

栝樓根

麥門冬略二

生薑兩六

前胡一作藥

半夏各五

右十一味咬咀以水八升煮取二升分二服

地黃煎主熱方

地黃汁三合茯苓

知母

萎蕤略四

栝樓根兩五

竹瀝三合方

生薑汁

白蜜

生地骨皮切各

石膏兩

生麥門冬汁一

右十一味咬咀以水一斗二升先煮諸藥取汁三升去滓下竹瀝地黃麥門冬汁微火煎四五沸下蜜薑汁微火煎取六升初服四合日三夜一加至六七合四月五月作散服之

治積熱方

枳實

黃芩

大黃

黃連各三

芒消兩

右五味末之蜜丸空心酒服如梧子大三十九加至四十九日一服

治膈上熱方

苦參兩

玄參兩

麥門冬兩三

車前子兩二

右四味末之以蜜丸如梧子一服十五丸日二服

細丸主客熱結塞不流利方

大黃

葶藶略三

香豉合三

杏仁

巴豆略三

右五味末之蜜丸飲服如梧子二九日一服以利為度

治骨蒸熱羸瘦煩悶短氣喘息鼻張日西即發方

龍膽

黃連

栝樓根略四

芒消分二

梔子枚十

苦參

大黃

黃芩

芍藥

青箱子各二兩

右十味末之蜜丸飲服如梧子二九日二以知為度一方

無苦參已下止五味張服方為散

治骨蒸方

天靈蓋如梳大多令黃碎以水五升煮取二升分三

服起死人神方

又方 水服芒消一方寸匕日二服神良

又方 取人屎灰以酒服方寸七日二服

五藏熱及身躰熱脉弦急者灸第十四椎與臍相當五十壯
老小增損之若虛寒至百壯橫三間寸灸之

備急千金要方卷第十六

大黃

黃芩

芍藥

枳實

甘草

芒硝

厚朴

木香

丁香

白豆蔻

胡椒

蘇合香

備急千金要方卷第十七 肺藏

朝奉郎守太常卿充祕閣校理判登聞檢院護軍賜緋袋昇林億等校正

肺藏脉論第一

肺虛實第二 肺與大腸俱虛俱實附

肺勞第三

氣極第四 氣虛實附

積氣第五 七氣五膈奔狝附

肺痿第六

肺癰第七

飛尸鬼疰第八

肺藏脉論第一

論曰肺主魄魄藏者任物之精也為上將軍使在上行所以肺為五藏之華蓋並精出入謂之魄魄者肺之藏也鼻者肺

之官肺氣通於鼻鼻和則能知香臭矣循環紫宮上出於頰
候於鼻下迥肺中榮葉於髮外主氣內主凶與乳相當左乳
庚右乳辛肺重三斤三兩六葉兩耳凡八葉有十四童子七
女子守之神名鳥鴻主藏魄號為魄藏隨節應會故云肺藏
氣氣舍魄在氣為欬在液為涕肺氣虛則鼻息利少氣實則
喘喝胃憑仰息肺氣虛則夢見白物見人斬血藉藉得其時
則夢見兵戰肺氣盛則夢恐懼哭泣厥氣客于肺則夢飛揚
見金鐵之器奇物

凡肺藏象金與大腸合為腑其經手太陰與陽明為表裏其
脉浮相於季夏王於秋秋時万物之所終宿葉落柯萋萋枝
條其圯然獨在其脉為微浮衛氣遲榮氣數數則在上遲則
在下故名曰毛陽當陷而不陷陰當昇而不昇為邪所中

感激故為
風寒所中

陽中邪則捲陰中邪則緊捲則惡寒緊則為慄寒慄

氣

相薄故名曰瘡弱則發熱浮乃來出且中且發暮中暮發藏
有遠近脉有遲疾周有度數行有漏刻遲在上傷毛采數在
下傷下焦中焦有惡則見有善則匿陽氣下陷陰氣則溫陽
反在下陰反在巔故名曰長而且留

秋脉如浮秋脉肺也西方金也萬物之所以收成也故其氣
來輕虛而浮來急去散故曰浮反此者病何如而反其氣來
毛而中央堅兩傍虛此謂太過病在外其氣來毛而微此謂
不及病在中太過則令人氣逆而背痛愠愠然不及則令人
喘呼吸少氣而欬上氣見血下聞病音

肺脉來厭厭聶聶如落榆莢曰肺平秋以胃氣為本肺脉來
不上不下如循雞羽曰肺病

巢源無
不字

肺脉來如物之浮如風吹毛曰肺死

真肺脉至大而虛如以毛羽中人膚色白赤不澤毛折乃死

秋胃微毛曰平毛多胃少曰肺病但毛無胃曰死毛而有弦曰春病弦甚曰今病

肺藏氣氣舍魄喜樂無極則傷魄魄傷則狂狂者意不存人皮革焦毛悴色夭死于夏

手太陰氣絕則皮毛焦太陰者行氣溫皮毛者也氣弗營則皮毛焦皮毛焦則津液去津液去則皮節傷皮節傷者則爪一作枯毛折毛折者則氣先死丙篤丁死火勝金也

肺死藏浮之虛按之弱如葱葉下無根者死秋金肺王其脉微澀而短曰平反得大而緩者是脾之乘肺母之歸子為虛邪雖病易治反得沈濡而滑者是腎之乘肺子之乘母為實邪雖病自愈反得浮大而洪者是心之乘肺火之剋金為賊邪大逆十死不治反得弦細而長者是肝之乘肺木之陵金為微邪雖病即差肝乘肺必作虛

右手關前寸口陰絕者無肺脉也苦短氣欬逆喉中塞噫逆
刺手陽明治陽

右手關前寸口陰實者肺實也苦少氣胷中滿膨膨與肩相
引刺手太陰治陰

肺脉來泛泛輕如微風吹鳥背上毛再至曰平三至曰離經
病四至脫精五至死六至命盡手太陰脉也

肺脉急甚為癰疾微急為肺寒熱急隨欬唾血引鬻背脊若
鼻息肉不通緩其為多汗微緩為痿漏風一作偏風頭已下汗出

不可止大甚為脛腫微大為肺痺引鬻背起鬻肉小甚為殮
泄微小為消痺滑甚為息賁上氣微滑為上下出血瀉甚為

嘔血微瀉為風痿在頸肢掖之間下不勝其上其能喜酸

肺脉搏堅而長當病唾血其濡而散者當病漏一作瀉汗至今不

復散發

白脉之至也喘而浮上虛下實齶有積氣在胃中喘而虛名曰肺痺寒熱得之醉而使內也

黃帝問曰經脉十二而手太陰之脉獨動不休何也

手太陰本在寸口中

歧伯對曰足陽明胃脉也胃者五藏六腑之海

胃脉在足跌上大指間上行三寸骨

解中

其精氣上清注於肺肺氣從太陰而行之其行之也以

息往來故人一呼脉再動一吸脉亦再動呼吸不已脉動正黃帝問曰氣口何以獨為五藏主歧伯曰胃者水穀之海六腑胃居其大五味入於口藏於胃以養五藏氣氣口者太陰是也藏腑之氣味皆出於胃變見於氣口氣口屬腑藏主即呼寸口者也

扁鵲曰肺有病則鼻口張實熱則喘逆胃憑仰息其陽氣壯則夢恐懼等虛寒則欬息下利少氣其陰氣壯則夢涉水等肺在聲為哭在變動為欬在志為憂憂傷肺精氣共於肺則悲

味主秋結滿而血者病在胃及以飲食不節得病者取之合
故命曰味主合

病先發於肺喘欬三日之肝脅痛支滿一日之脾閉塞不通
身痛體重五日之胃腹脹十日不已死冬日入夏日出

病在肺下晡慧日中甚夜半靜

假令肺病南行若食馬肉及麀肉得之不者當以夏時發得
病以丙丁日也宜赤藥

凡肺病之狀必喘欬逆氣肩息背痛汗出尻陰股膝孿髀膕
胷足皆痛虛則少氣不能報息耳聾嗑乾取其經手太陰足
太陽之外厥陰內少陰血者

肺脉沈之而數浮之而喘苦洗洗寒熱腹滿腸中熱小便赤
肩背痛從腰已上汗出得之房內汗出當風

肺病其色白身體但寒無熱時時欬其脉微遲為可治宜服

五味子大補肺湯瀉肺散春當刺少商夏刺魚際皆瀉之季
夏刺大淵秋刺經渠冬刺尺澤皆補之又當灸臑中百壯背
第三椎二十五壯

邪在肺則皮膚痛發寒熱上氣氣喘汗出欬動肩背取之膺
中外輸背第三椎之傍以手痛按之快然乃刺之取之缺盆
中以越之

形寒寒飲則傷肺以其兩寒相感中外皆傷故氣逆而上行
肺傷其人勞倦則欬唾血其脉細緊浮數皆吐血此爲躁擾
嗔怒得之肺傷氣擁所致也

肺中風者口燥而喘而身運而重冒而腫脹

肺中寒者其人吐濁涕

肺水者其人身體腫而小便難時時大便鴨溇

肺脹者虛而滿喘欬目如脫狀其脉浮大

跌陽脉浮緩少陽脉微緊微爲血虛緊爲微寒此爲鼠乳
診得肺積脉浮而手按之辟易脅下時時痛逆背相引痛少
氣善忘目暝結癰皮膚寒秋愈夏劇主皮中時痛如蟲緣之
狀甚者如針刺之狀時瘥色白也

肺之積名曰息賁在右脅下覆大如杯久久不愈病洒洒寒
熱氣逆喘欬發肺癰以春甲乙日得之何也心病傳肺肺當
傳肝肝適以春王王者不受邪肺復欲還心心不肯受因留
結爲積故知息賁以春得之

肺病身當有熱欬嗽短氣唾出膿血其脉當短濇今反浮大
其色當白而反赤者此是火之剋金爲大逆十死不治

商音人者主肺聲也肺聲哭其音磬其志樂其經手太陰厥
逆陽明則榮衛不通陰陽反祚陽氣內擊陰氣外傷傷則寒
寒則虛虛則厲風所中嗑吸戰掉語聲嘶塞而散下氣息短

備四肢僻弱面色青葩遺失便利甚則不可治依源麻黃續命湯主之方在第八卷中

又言音喘急短氣好唾此爲火剋金陽擊陰陰氣沈陽氣昇昇則實實則熱熱則狂狂則閉眼悸言非常所說口赤而張飲無時度此熱傷肺肺化爲血不治若面赤而鼻不欬可治也肺病爲瘡者令人心寒寒甚則熱熱間善驚如有所見者怕山湯主之方在第十卷中若其人本來語聲雄烈忽爾不亮施氣用力方得出言而反於常人呼共語直視不應雖曰末病勢當不久此則肺病聲之候也察觀疾病表裏相應依源審治乃不失也

白爲肺肺合皮白如豕膏者吉肺主鼻鼻是肺之餘其人金形相比於上商白色小頭方面小肩背小腹小手足發動身輕精瘦急心靜悍性喜爲吏治秋冬不耐春夏春夏感而生

病主壬太陰廉廉然肩膺厚薄正竦則肺應之正白色小理者則肺小小則少飲不病喘喝粗理者則肺大大則虛虛則寒喘鳴多飲善病骨喉痺逆氣巨肩反膺陷喉者則肺高高則實實則熱上氣肩急欬逆合腋張脅者則肺下下則逼賁迫肝善脅下痛鼻塞或壅而涕生息肉好肩背厚者則肺堅堅則不病欬上氣肩背薄者則肺脆脆則易傷於熱喘息鼻衄肩膺好者則肺端正端正則和利難傷膺偏欹者則肺偏傾偏傾則病骨偏痛鼻亦偏疾凡人分部陷起者必有病生大腸陽明為肺之部而藏氣通於内外部亦隨而應之沈濁為内浮清為外若外病内入則所部起内病裏出則所部陷外入前治陽後治陰内出前治陰後治陽實瀉虛補陽主外陰主内凡人死生休否則藏神前變形于外人肺前病鼻則為之孔開焦枯若肺前死鼻則為之梁折孔閉青黑色若天

中等分墓色應之必死不治看色深淺斟酌餘促遠不出一
年促不延時月肺疾少愈而卒死何以知之曰赤黑如拇指
厲點見顏頰上此必卒死肺絕三日死何以知之口張但氣
出而不還面白目青是謂亂經飲酒當風風入肺經膽氣妄
泄目則爲青雖有天救不可復生面黃目白如枯骨死吉凶
之色在於分部順順面見赤白入鼻必病不出其年若年上
不應三年之中禍必應也

秋金肺脉色白主手太陰脉也秋取經輸秋者金始治肺將
收殺金將勝火陽氣在合陰氣初勝濕氣及體陰氣未盛未
能深入故取輸以瀉陰邪取合以虛陽邪陽氣始衰故取於
合其脉本在寸口之中掌後兩筋間二寸中應在腋下動脉
其脉根于太倉太倉在臍上三寸一夫是也

其筋起於手大指之上循指上行結於魚後行寸口外側上

循臂結肘中上臑內廉入腋下上出缺盆結肩髃前上結缺盆下結臑裏散貫貫下抵季脅

其脉起於中焦下絡大腸還循胃口上臑屬肺從肺系橫出腋下下循臑內行少陰心主之前下肘中後循臂內上骨下廉入寸口上魚循魚際出大指之端其支者從腕後直次指內廉出其端合手陽明爲表裏陽明之本在肘骨中同會于手太陰

太陰之別名列缺起於腋下分間並太陰之經直入掌中散入於魚際別走手陽明主肺生病病實則大腸熱熱則手兌掌起起則陽病陽脉反逆大於寸口三倍病則欬上氣喘喝煩心昏滿臑臂內前廉痛掌中熱氣盛有餘則肩背痛風汗出中風虛則大腸寒寒則欠欬小便遺數數則陰病陰脉反小於寸口一倍病則肩背寒痛少氣不足以息季脅空痛尿

色變卒遺失無度

秋三月者主肺大腸白氣狸病也其源從太陽擊手太陰太陰受淫邪之氣則經絡擁滯毛皮緊豎發泄邪生則藏腑傷溫隨秋受厲其病相反若腑虛則為陰邪所傷乍寒乍熱損肺傷氣暴嗽嘔逆若藏實則為陽毒所損體熱生斑氣喘引飲故曰白氣狸病也

扁鵲云炙心肺二輸主治丹毒白狸病當依源為療調其陽理其陰則藏腑之病不生矣

肺虛實第二

脉四條
灸法二首

方一十首

肺實熱

右手寸口氣口以前脉陰實者手太陰經也病苦肺脹汗出若露上氣喘逆咽中塞如欲嘔狀名曰肺實熱也

治肺實熱皆憑仰息泄氣除熱方

枸杞根皮切二石膏兩八

白前

杏仁兩各三

橘皮 白朮各五

赤蜜合七

右七味咬咀以水七升煮取二升去滓下蜜煮三沸分三服

治肺熱言音喘息短氣好唾膿血方

生地黄切二石膏兩八

麻黃兩五

杏仁兩四

淡竹筴雞子大升麻

羚羊角

芒消各三

赤蜜升

右九味咬咀以水七升煮取二升去滓下蜜煮兩沸分三服

治肺熱悶不止胸中喘急驚悸客熱來去欲死不堪服藥泄

胸中喘氣方

桃皮 芫花各一

右二味咬咀以水四斗煮取一斗五升去滓以故布手巾

內汁中薄膏溫四肢不盈數日即歇

治肺熱氣上欬息奔喘橘皮湯方

橘皮

麻黃各三兩

乾紫蘇

柴胡各三兩

宿薑

杏仁各四兩

石膏八兩

右七味㕮咀以水九升煮麻黃兩沸去沫下諸藥煮取三

升去滓分三服不差與兩劑

治肺熱喘息鼻衄血方

羚羊角

玄參

射干

雞蘇

芍藥

升麻

柏皮各三兩

淡竹筴雞子大一枚

生地黄升切

梔子人兩

右十味㕮咀以水九升煮取三升分三服須利者下甚消

三兩更煮三沸

治肺熱飲酒當風風入肺膽氣妄泄目青氣喘方

麻黃兩

五味子

甘草各三兩

杏仁五十枚

母薑五兩 淡竹葉物一

右六味咬咀以水七升先煮麻黃去沫下諸藥煮取二升去滓分三服

瀉肺散治酒客勞倦或出當風喜怒氣舍於肺面目黃腫起即頭眩欬逆上氣時忽忽欲絕心下弦急不能飲食或吐膿血骨痛引背支滿欲嘔方

百部 五味子兩二 茯苓 附子

菴蓉 當歸 石斛 遠志

續斷各一兩 細辛 甘草各七 防風

蜀椒 紫苑 桂心 款冬花

乾薑各一兩半 桃人六十枚 杏人三十枚

右十九味治下節以酒服方寸匕日三稍加至二匕

肺脹氣搶脅下熱痛炎陰都隨年壯穴在俠胃管兩邊相去

一寸胃管在心下三寸

肺脹脅滿嘔吐上氣等病灸大椎并兩乳上第三肋間各止七

肺與大腸俱實

右手寸口氣口以前脉陰陽俱實者手太陰與陽明經俱實

也病若頭痛目眩驚狂喉痺痛手臂捲脣吻不收名曰肺與

大腸俱實也

治肺與大腸俱實今人氣憑滿煮散方

茯苓

麻黃各六

黃耆

大青

桂心各三

細辛

杏仁各五

石膏兩二

丹參兩

五味子

甘草

貝母

橘皮

芎藭各一

枳實枚三

右十五味治下篩為鹿散帛裏一方寸匕半并華水一升

五合煮取七合為一服日再

肺虛冷

右手寸口氣口以前脉陰虛者手太陰經也病苦少氣不足以息嗌乾不津液名曰肺虛冷也

治肺虛冷聲嘶傷語言用力戰掉緩弱虛瘠風入肺方

防風

獨活

芎藭

秦椒

乾薑

黃耆

天雄

麻黃

五味子

山茱萸

甘草

秦艽

桂心

署預

杜仲

人參

細辛

防已

紫苑

甘菊花

貫衆

附子

紫苑

甘菊花

右二十二味治下篩以酒服方寸匕日二服一方有石膏六分當歸五分

治肺虛寒厲風所傷語聲嘶塞氣息喘憊欬唾酥蜜膏酒止

氣嗽通聲方

酥

崖蜜

飴糖

薑汁

百部汁

棗肉

杏仁

甘皮

右八味合和微火煎常攪三上三下約一炊久取薑汁等

各減半止温酒一升服方寸匕細細咽之日二夜一

又方

猪胆

大棗

右二味以酒五升漬之秋冬七日春夏五日出布絞去滓

七日服盡二七日忌鹽羊胆亦得治欬嗽背脅支滿多喘

上氣尤良

用後方治久欬上氣二十年諸治不差者

治肺寒損傷氣嗽及涕唾鼻塞方

棗肉

二升研作脂

杏仁

一升熬研為脂

酥

生薑汁

白糖

生百部

汁

白蜜

各一

右七味合和以微火煎常攪作一炊久下之細細温清酒

服二合日二

補肺湯治肺氣不足逆滿上氣咽中悶塞短氣寒從背起口中如含霜雪言語失聲甚者吐血方

五味子

兩三

乾薑

桂心

款冬花

兩二

麥門冬

升一

大棗

枚百

粳米

合一

桑根白皮

斤一

右八味以水一斗先煮桑白皮五沸下藥煮取三升分三服

又方

黃耆

兩五

甘草

鍾乳

人參

兩二

桂心

乾地黄

茯苓

白石英

厚朴

桑白皮

乾薑

紫菀

橘皮

當歸

五味子

遠志

麥門冬

兩三

大棗

枚十

右十八味呔咀以水一斗四升煮取四升分五服日三夜二
補肺湯治肺氣不足欬逆上氣牽繩而坐吐沫唾血不能食
飲方

蘇子升一

桑白皮兩

半夏兩

紫苑

人參

甘草

五味子

杏仁兩二

射干

款冬花兩一

麻黃

乾薑

桂心兩三

細辛兩半

右十四味呔咀以水一斗二升煮取三升半分五服日三
夜二

補肺湯治肺氣不足欬逆短氣寒從背起口中如含霜雪語
無音聲而渴舌本乾燥方

五味子

蘇子兩

白石英

鍾乳兩三

竹葉

款冬花

橘皮

桂心

桑白皮

茯苓

紫菀各二兩

粳米合二

生薑五兩

杏仁五十枚

麥門冬四兩

大棗十枚

右十六味㕮咀以水一斗三升先煮桑白皮粳米大棗米熟去滓內諸藥煮取五升分六服日三

補肺湯治肺氣不足心腹支滿欬嗽喘逆上氣唾膿血骨背痛手足煩熱惕然自驚皮毛起或哭或歌或怒乾嘔心煩耳中聞風雨聲面色白方

款冬花

桂心各二兩

桑白皮一斤生薑

五味子

鍾乳各三兩

麥門冬四兩粳米合五

大棗十枚

右九味㕮咀以水一斗二升先煮粳米棗令熟去之內藥煎取二升分三服溫服之一方用白石英二兩廣濟用紫苑人參各

紫苑二兩名湯

治肺氣不足欬唾膿血氣短不得卧麻子湯方

麻子升一

桂心

人參各二兩

阿膠

紫苑各一兩

生薑三兩

乾地黄四兩

桑白皮一斤

錫一斤

右九味以酒一斗五升水一斗五升合煮取四升分

五服

治肺氣不足咽喉苦乾宜服錫煎方

作錫任多少取乾棗一升去核熟擣水五升和使相得絞

去滓澄去上清取濁內飴中攪火上煎勿令堅令連連服

如雞子漸漸吞之日三夜二

凡肺風氣痿絕四肢滿脹喘逆胃滿灸肺輸各二壯肺輸對

乳引繩度之在第三椎下兩傍相去各一寸五分

肺與大腸俱虛

右手寸口氣口以前脉陰陽俱虛者手太陰與陽明經俱虛也病苦耳鳴嘈嘈時妄見光明情中不樂或如恐怖名曰肺與大腸俱虛也

治肺與大腸俱不足虛寒之氣小腹拘急腰痛羸瘠百病小建中湯方

大棗十二枚

生薑三兩

甘草二兩

桂心三兩

芍藥六兩

右五味㕮咀以水八升煮取三升去滓內糖八兩煮三沸

分三服

肘後用黃耆人參各二兩名黃耆建中湯

肺勞第三

論一首灸法一首

方三首

論曰凡肺勞病者補腎氣以益之腎王則感於肺矣人逆秋氣則手太陰不收肺氣焦滿順之則生逆之則死順之則治逆之則亂反順為逆是謂關格病則生矣

肺勞實氣喘鼻張面目苦腫麻黃引氣湯方

麻黃

杏仁

生薑

半夏

各五

石膏

兩八

紫蘇

分四

白前

細辛

桂心

各三分

竹葉

升一

橘皮

二分

右十一味咬咀以水一斗煮取三升去滓分三服

治肺勞虛寒心腹冷氣逆遊氣脅氣滿從脅達背痛憂氣

往來嘔逆飲食即吐虛乏不足半夏湯方

半夏

生薑

桂心

甘草

厚朴

各二兩

人參

橘皮

麥門冬

各三兩

右八味咬咀以水一斗煮取四升分四服腹痛加當歸二兩

治肺勞風虛冷痰澀水氣晝夜不得卧頭不得近枕上氣脅

滿喘息氣絕此痰水盛溢厚朴湯方

厚朴

麻黃

桂心

黃芩

石膏

大戟

橘皮酪二

枳實

甘草

秦艽

杏仁

茯苓各三兩

細辛兩一

半夏升

生薑兩十

大棗枚十五

右十六味以水一斗三升煮取四升分為五服

喉痺氣逆欬嗽口中涎唾灸肺輸七壯亦可隨年壯至百壯

氣極第四論一首 灸法二首 方六首

論曰凡氣極者主肺也肺應氣氣與肺合又曰以秋遇病為皮痺皮痺不已復感於邪內舍於肺則寒濕之氣客於六腑也若肺有病則先發氣氣上衝脊常欲自恚以秋庚辛日傷風邪之氣為肺風肺風之狀多汗若陰傷則寒寒則虛虛則氣逆欬欬則短氣暮則甚陰氣至濕氣生故甚陰畏陽氣晝日則差若陽傷則熱熱則實實則氣喘息上背臆甚則唾血也然陽病治陰陰是其裏陰病治陽陽是其表是以陰陽表

裏衰王之源故知以陽調陰以陰調陽陽氣實則決陰氣虛則引善治病者初入皮毛肌膚筋脉則治之若至六腑五藏半死矣

扁鵲曰氣絕不治喘奔作而冷汗出二日死氣應手太陰太陰

氣絕則皮毛焦氣先死矣

治氣極虛寒陰畏陽氣晝暈暮其氣短息寒鍾乳散亦治百病令人丁強能食飲去風冷方

鍾乳研別

乾薑

桔梗

茯苓

細辛

桂心

附子

人參各一兩

白朮兩一

防風

牡蠣

栝樓根各二兩半

右十二味治下篩以酒服方寸匕日三漸加至二七五十

以上可數服得力乃止千金翼云有冷加椒有熱加黃芩各三兩

治氣極虛寒皮毛焦津液不通虛勞百病氣力損之黃耆湯方

黃耆四兩

人參

白朮

桂心各二兩

大棗十枚

附子三十銖

生薑八兩

右七味咬咀以水八升煮取三升去滓分四服一方不用

附子

治氣極虛寒皮痺不已內舍於肺寒氣入客於六腑腹脹虛

滿寒冷積聚百病大露宿丸方

礬石附後作礬石

乾薑

桂心

皂莢

桔梗

附子各三兩

右六味末之蜜丸酒服如梧子十九日三漸加之慎熱及

近火等

治氣極虛寒癖飲胃中痰滿心腹痛氣急不下飲食硫黃丸方

硫黃

礬石

乾薑

附子

烏頭

桂心

細辛

白朮

桔梗

茯苓各二兩

右十味末之蜜丸如梧子酒服十九日三漸加之以知為

度後無白朮桔梗茯苓用吳茱萸蜀椒人參皂莢當

治氣極傷熱喘息衝冒常欲自恚心腹滿痛内外有熱煩嘔

不安大前胡湯方

前胡八兩

半夏

麻黃

芍藥各四兩

枳實四枚

生薑五兩

黃芩三兩

大棗十二枚

右八味咬咀以水九升煮取三升去滓分温三服

治氣極傷熱氣喘甚則唾血氣短乏不欲食口燥咽乾竹葉

湯方

竹葉半斤

麥門冬

小麥

生地黄各一

生薑六兩

麻黃三兩

甘草一兩

石膏六兩

大棗十枚

右欬味呔咀以水一斗煮取三升去滓分三服

嘔吐上氣灸尺澤不三則七壯尺澤者在腕後肘中橫文
腹中雷鳴相逐食不化逆氣灸上管下一寸名太倉七壯

積氣第五

論二首 方五十一首
灸法二十四首

論曰七氣者寒氣熱氣怒氣恚氣喜氣憂氣愁氣凡七種氣
積聚堅大如杯若絆在心下腹中疾痛飲食不能時來時去
每發欲死如有禍祟此皆七氣所生寒氣即嘔逆惡心熱氣
即說物不音而迫怒氣即上氣不可忍熱痛上搶心短氣欲
死不得息恚氣即積聚在心下不得飲食喜氣即不可疾行
不能久立憂氣即不可閑作暮卧不安愁氣即喜忘不識人
語置物肆方還取不得去處若聞急即肆肢肘腫手足筋攣
捉不能舉如得病此是疰氣所生男子卒得飲食不時所致
婦人即產後中風諸疾也

七氣丸方

烏頭

大黃各七分

紫苑

半夏

前胡

細辛

丹參

茯苓

芎藭

桃人胡洽作杏人

昌蒲一作芍藥

石膏

吳茱萸

桂心

桔梗各三分

人參

甘草

防葵各一兩

乾薑

蜀椒各半兩

右二十味末之蜜丸酒服如梧子三九日三加至十九壹

方去半夏加甘遂三分胡洽無丹

七氣丸主七氣七氣者寒氣熱氣怒氣恚氣喜氣憂氣愁氣此之為病皆生積聚堅牢如杯心腹絞痛不能飲食時去時來發則欲死凡寒氣狀吐逆心滿熱氣狀恍惚眩冒失精怒氣狀不可當熱痛上澁心短氣欲絕不得息恚氣狀積聚心滿不得食飲喜氣狀不可疾行久立憂氣狀不可苦作卧不

安席愁氣狀平故如怒喜忘四肢附腫不得舉止亦治產後中風餘疾方

大黃二兩半

人參

半夏

吳茱萸

柴胡

乾薑

細辛

桔梗

昌蒲各二分

茯苓

芎藭

甘草

石膏

挑人

蜀椒各三分一用桂心

右十五味末之蜜丸如梧子大每服酒下三九日進三服

漸加至十丸

千金翼十味無茯苓芎藭甘草石膏挑人

七氣湯主憂氣勞氣寒氣熱氣愁氣或飲食為膈氣或勞氣內傷五藏不調氣衰少力方

乾薑

黃芩

厚朴深師作桂心

半夏

甘草

栝樓根深師作橘皮

芍藥

乾地黃各一兩

蜀椒三兩深師作桔梗

枳實五枚

人參一兩

吳茱萸五合

右十二味㕮咀以水一斗煮取三升分三服日三
七氣湯主虛冷上氣勞氣等方

半夏升一

人參

生薑

桂心

甘草各一兩

右五味㕮咀以水一斗煮取三升分三服日三

五膈丸治憂膈氣膈食膈飲膈勞膈五病同藥服以憂恚思
慮食飲得之若冷食及生菜便發其病苦心滿不得氣息引
背痛如刺之狀食即心下堅大如粉絮大痛欲吐吐即差飲
食不得下甚者及手足冷上氣欬逆喘息短氣方

麥門冬

甘草各五兩

蜀椒

遠志

桂心

細辛各三兩

附子一兩半

人參兩四

乾薑兩二

右九味末之蜜和丸微使淖先食含如彈丸一枚細細咽

之喉中胃中當熱藥力稍盡復含一九日三夜二服藥七

日愈

延年方云若不能含者可分一大九作七小九益服之夏月含益麥
明冬甘草人參胡洽云亦可梧子大十九酒服之經心錄以吳茱萸

代桂心酒服如梧子五丸空腹服之治寒冷則
心痛咽中有物吐之不出咽之不入食飲少者

治結氣冷癥積在脅下及脚氣上入少腹腹中脹滿百病方

大蒜去心皮三升擣令極熟以水三升和令調絞取汁更

擣餘滓令熟更以水三升和令調絞取汁更擣餘滓令熟

更以水三斗和令調絞取汁合得九升所得滓可桃顛大

乘却以微火煎取三升下牛乳三升合煎取三升旦起空

腹一頓温服之令盡至申時食三日服一劑三十日服十

劑止

大蒜煎治疝瘕積聚冷癖痰飲心腹脹滿上氣欬嗽刺風風

癩偏風半身不隨腰疼膝冷氣息否塞百病方

蒜六斤四兩去皮切水
四斗煮取一斗去滓

酥一升內
蒜汁中

牛乳二

葶撥

胡椒

乾薑

各三兩

石蜜

阿魏

戎鹽

各二兩

石上昌蒲

木香

各一兩

乾蒲桃

兩四

右拾二味末之合內蒜汁中以銅器微火煎取一斗空腹

酒下一兩五日以上稍加至三兩二十日覺四體安和更

加至六兩此治一切冷氣甚良

治氣上下否塞不能息桔梗破氣丸方

桔梗

橘皮

乾薑

厚朴

枳實

細辛

亭藟

各三兩

胡椒

蜀椒

烏頭

各二兩

葶撥

分十

人參

桂心

附子

茯苓

前胡

防葵

芎藭

各五兩

甘草

大黃

檳榔

當歸

各八兩

白朮

吳茱萸

各六兩

右二十四味末之蜜丸如梧子大酒服十九日三有熱者
空腹服之

治氣實若積聚不得食息檳榔湯方

檳榔三枚

細辛兩

半夏升

生薑兩

大黃

紫苑

柴胡各三兩

橘皮

甘草

紫蘇冬用子

茯苓各二兩

附子枚

右十二味以水一斗煮取三升分三服相去如行十里
久若有癥結堅實如石加鼈甲二兩防葵二兩氣上加
桑白皮切二升枳實厚朴各二兩消息氣力強弱進二劑
後隔十日更服前桔梗破氣丸

治積年患氣發作有時心腹絞痛忽然氣絕腹中堅實醫所
不治復謂是蟲蠱方

檳榔大者四七枚

柴胡三兩

半夏升

生薑兩

附子一枚

橘皮

甘草

桂心

當歸

枳實各二兩

右十味咬咀以水一斗煮取三升分三服五日一劑服三

劑永除根本

治逆氣心腹滿氣上齒脅痛寒心腹痛嘔逆及吐不下食
夏氣結聚半夏湯方

半夏升一

生薑

桂心各五兩

橘皮兩四

右四味咬咀以水七升煮取三升分四服日三夜一人強
者作三服亦治霍亂後吐逆腹痛

治逆氣心中煩滿氣悶不理氣上半夏湯方出第十六卷嘔
吐篇四味者是

治上氣咽喉窒塞短氣不得卧腰背痛背滿不得食面色萎
黃貝母湯方

貝母兩一

生薑兩五

桂心

麻黃

石膏

甘草兩各三

杏仁枚三十

半夏合三

右八味咬咀以水一斗煮取三升分為三服日三

治上氣脉浮欬逆喉中水雞聲喘息不通呼吸欲死麻黃湯方

麻黃兩八

甘草兩四

大棗枚三十

射干如博碁子二枚

右四味咬咀以井花水一斗煮麻黃三沸去沫內藥煮取

四升分四服日三夜一

奔氣湯治大氣上奔胃膈中諸病發時迫滿短氣不得卧劇

荏便惰欲死腹中冷濕氣腸鳴相逐成結氣方

半夏

吳茱萸各

生薑斤一

桂心兩五

人參

甘草兩二

右六味咬咀以水一斗煮取三升分四服

枳實湯下氣治胸中滿悶方

枳實枚三

大棗枚四

半夏兩五

附子枚二

人參

甘草

白朮

乾薑

厚朴兩二

右九味咬咀以水七升煮取二升半一服八合日三

治氣滿腹脹下氣方

半夏升

生薑斤

人參兩半

橘皮兩三

右四味咬咀以水七升煮取三升去滓分三服日三一

無人參止三味

治氣兩脅滿急風冷方

杏仁

茯苓

防葵各八分

吳茱萸

橘皮

桂心

防風

澤瀉各五分

白朮

射干

芍藥

蘇子

桔梗

枳實各六分

右十四味末之蜜丸如梧子大酒服十九日二加至三十九
治氣滿閉塞不能食喘息方

訶梨勒十枚末之蜜丸如梧子食後服三丸不忌得利
即止

治上氣欬逆方

蘇子升

五味子合

麻黃

細辛

紫苑

人參

黃芩

甘草各二兩

桂心

當歸各一兩

生薑五兩

半夏三兩

右十二味咬咀以水一斗煮取三升分三服

治氣上不得卧神祕方

橘皮

生薑

紫蘇

人參

五味子

各五兩一作桔梗

右五味咬咀以水七升煮取三升分三服

治熱發氣上衝不得息欲死不得卧方

桂心兩半

白石英

麥門冬

枳實

白鮮皮

貝母

茯苓

檳榔人

天門冬各二兩半

車前子兩一

人參

前胡

橘皮

白薇

杏仁各一兩半

郁李人三兩

桃人五分

右十七味末之蜜和以竹葉飲服十九如梧子日二加至

三十九

竹葉飲法

竹葉

紫蘇子各三

紫苑

白前各三兩

百部

甘草

生薑各三兩

右七味咬咀以水八升煮取三升温以下前丸藥盡更合之

安食下氣理胃脅并治客熱人參湯方

人參

麥門冬

乾薑

當歸

茯苓

甘草

五味子

黃耆

芍藥

枳實各一兩

桂心三兩

半夏一升

大棗十五枚

右十三味以水九升煮取三升去滓一服九合從旦

至晡令盡皆熱服慎勿冷

治風虛支滿膀胱虛冷氣上衝肺息奔令咽喉氣悶往來下

氣海藻橘皮丸方

海藻

橘皮各三分

杏仁

茯苓各二分

人參

吳茱萸

白朮

葶藶各一兩

桑根白皮

棗肉

昆布各二兩

芍藥

桂心各五分

白前三分

蘇子各五合

右十五味末之蜜丸飲服如梧子大十九日二加至十五

丸以利小便為度

治氣上方

硃砂

細辛

牛膝

各等分

右三味末之氣發酒服方寸匕後三日忌酒餘禁如藥法

治上氣方

上酥升

獨頭蒜顆五

右二味先以酥煎蒜蒜黃出之生薑汁一合共煎令熟空
腹服一方寸匕溫服之

治上氣嘔吐方

芥子二升末之蜜丸寅時并花水服如梧子七九日二服
亦可作散空腹服之及可酒浸服并治臍下絞痛

治勞氣方

小芥子二升搗末絹袋盛酒三斗浸之密封七日去滓溫

服半升漸至一升半得力更合息如藥法

治上氣三十年不差方

大棗一百枚

豉一百二十粒

蜀椒二百粒

杏仁一百枚

右四味先擣木只豉令熟後內棗椒更擣作丸如棗核大
含之稍稍咽之日三夜一

治積年上氣不差垂死者方

苘芎子變熬色

熟羊肝薄切暴乾

右二味各擣等分以七月七日神酢拌令相著夜不食空

腹服二方寸匕須拾針兩食間以冷漿白粥二匕止之隔

日一服永差四十日內得煮飯汁作蕪菁羹食之以外一

切禁斷

下氣方

生薑五兩

小麥一升

右二味以水七升煮取一升頓服

又方

紫蘇莖葉切一

大棗枚七一

右二味以酒三升煮取一升半分再服水煮亦得一方加

橘皮半兩

肘後方無棗用橘皮

治氣方

桃皮二斤去黃者咬咀以水五升煮取三升二服二升差

即止

又方 酒服驢脂二合日二差止

又方 黃牛乳二升煎取一升和生乳一升空腹服之日二

又方

驢乳初服三合三日後日別五合後至七合七日後至一

升忌葵菜猪魚油等

又方 空腹服尿但尿則服之百日止治一切病

又方 空腹服烏牛尿日再至三升止

補氣虛逆方

大棗三升

甘皮去脉十斤

乾地黄兩八

乾薑兩二

右四味治下篩酒四升漬棗三宿漉出棗取酒為炊汁將棗內甑中微火蒸之令棗膏入釜中酒裏煎酒令餘二升許甑中棗候皮核在止火貯器中將前散及熱下攪之令調大略與糖相似以酒服二合日再非止補氣亦通治一切短氣并形體瘦甚良

大補氣方

羊肚一具治如食法去膏骨

羊腎一具去膏破

乾地黄兩五 甘草

秦椒一兩

白木

桂心

人參

厚朴

海藻各三兩

乾薑

昆布

地骨皮各四兩

右十三味治下篩內羊肚中合腎縫塞肚口蒸極熟為度
及熱木臼合搗取肚腎與藥為一家暴乾更搗為散酒服
方寸匕日二

白石英散治氣及補五勞七傷無所不治明目利小便方

鍊成白石英十兩

白石英無多少以鎚子礎上細硲向明選去塵翳色暗黑黃赤者惟取白淨者為佳搗絹下之

瓷器中研令極細熟以生絹袋於銅器中水飛之如作粉法如此三度研
訖澄之漸漸去水水尽至石英暴得乾看上有塵惡不淨者去之取中央
好者在下有惡者亦去之更研堪用者使熟白絹袋子盛著瓷碗中以瓷
碗蓋之於三斗米下蒸之飯熟訖取出懸之使乾更以瓷器中研之為成

石斛

菴蓉 略六

茯苓

澤瀉

橘皮 略一

菟絲子 略三

右七味治下篩揔於瓷器中研令相得重篩之酒服方寸
匕日二不得過之忌猪魚鵝鴨蒜冷酢滑

補傷散主肺傷善洩欬善驚恐不能動筋不可以遠行膝不
可久立汗出鼻乾少氣喜悲心下急痛痛引背脊中卧不安席

忽忽喜夢寒熱小便赤黃目不遠視唾血方

天門冬外

防風

澤瀉

人參各一兩半

白斂兩一

大豆卷

前胡

芍藥

栝樓根

石膏

乾薑兩二

紫苑兩一

桂心

白木兩二

甘草

乾地黄

署預

當歸各二兩半

阿膠兩半

右十九味治下篩食上酒服方寸匕日三

白石英丸補養肺氣方

白石英一作白石脂磁石

陽起石

菴蓉

菟絲子

乾地黄兩二

石斛

白朮

五味子

栝樓根兩一

巴戟天分五

桂心

人參兩一

蛇牀子兩一

防風分五

右十五味末之蜜丸如梧子酒服十五丸加至三十九日

二服

治氣不足理氣丸方

杏人

桂心各二兩

益智子

乾薑各三兩

右四味末之蜜丸如梧子未食服三丸以知為度

治冷氣氣短方

蜀椒五兩絹袋盛以酒一斗浸之二七日服之任意多少

治讀誦勞極疲乏困頓方

酥

白蜜

油

糖

酒各二

右五味合於銅器中微火煎二十沸下之準七日七夜服之令盡慎生冷

又方

人參

甘草

茯苓

當歸各一

大棗二十枚

地骨皮

芎藭

芍藥

黃耆

乾地黄略三

右十味咬咀以水一斗煮取三升分三服一方用桂心三兩

治卒短氣方

擣韭汁服一升立差

別後方治卒上氣鳴息便欲絕

治乏氣方

枸杞葉

生薑略二

右二味咬咀以水三升煮取一升頓服

治少年房多短氣方

梔子

枚二十七

豉合七

右二味以水二升煮豉取一升半去豉內梔子煮取八合

服半升不差更服

凡上氣冷發腹中雷鳴轉叫嘔逆不食灸太衝不限壯數從痛至不痛從不痛至痛止

上氣厥逆灸胃堂百壯穴在兩乳間

胃膈中氣灸闕輸隨年壯扁鵲云第四椎下兩傍各一寸半名闕輸

心腹諸病堅滿煩痛憂思結氣寒令霍亂心痛吐下食不消腸鳴泄利灸太倉百壯太倉一穴一名胃募在心下四寸乃胃管下一寸

結氣囊裹針藥所不及灸盲募隨年壯盲募二穴從乳頭邪度至臍中屈去半從乳下行度頭是穴

下氣灸肺輸百壯又灸太衝五十壯

凡臍下絞痛流入陰中發作無時此冷氣灸關元百壯穴在臍下三寸

短氣不得語灸天井百壯穴在肘後兩筋間

又灸大椎隨年壯

又灸肺輸百壯

又灸肝輸百壯

又灸尺澤百壯

又灸小指第四指間交脉上七壯

又灸手十指頭合十壯

乏氣灸第五椎下隨年壯

少年房多短氣灸鳩尾頭五十壯

又鹽灸臍孔中二十七壯

論曰凡卒厥逆上氣氣攻兩脅心下痛滿奄奄欲絕此為奔
豚氣即急作湯以浸兩手足數數易之

奔豚腹腫灸章門百壯章門一名長平二穴在大橫外直臍

季肋端

奔豚灸氣海百壯穴在臍下一寸半

又灸關元百壯穴在臍下三寸

奔豚搶心不得息灸中極五十壯中極一名玉泉在臍下四寸

奔豚上下腹中與胃相引痛灸中府百壯穴在乳上三肋間

奔豚灸期門百壯穴直兩乳下第二肋端傍一寸五分

奔豚上下灸四滿二七壯穴俠丹田兩傍相去三寸即心下

八寸臍下橫文是也

肺痿第六 論一首 方五首

論曰寸口脉數其人病欬口中反有濁唾涎沫出何也師曰

此為肺痿之病何從得之師曰病熱在上焦因欬為肺痿或

從汗出或從嘔吐或從消渴小便利數或從便難數被駛藥

下重亡津液故得肺痿又寸口脉不出而反發汗陽脉早索

陰脉不澀三焦踈入而不出陰脉不澀身體反冷其內反

煩多唾唇燥小便反難此為肺痿傷於津液便如爛瓜下如

豚腦但坐發汗故也其病欲欬不得欬欬出乾沫久久小便不利其脉平弱肺痿吐涎沫而不欬者其人不渴必遺溺小便數所以然者上虛不能制下故也此為肺中冷必眩師曰肺痿欬唾咽燥欲者自愈自張口者短氣也

治肺痿多涎唾小便數肺中冷必眩不渴不欬上虛其下不能制溲甘草乾薑湯以溫其藏服湯已小溫更復之若渴者屬消渴法甘草乾薑湯方

甘草

兩四

乾薑

兩二

右三味以水三升煮取一升半去滓分二服

集驗肘後有大棗十二枚

治肺痿涎唾多出血心中溫溫液液甘草湯方

千金翼名溫液湯

甘草二兩以水三升煮取一升半去滓分三服

治肺痿欬唾涎沫不止咽燥而渴生薑甘草湯方

生薑

兩五

甘草

兩四

人參

兩三

大棗

枚十二

右四味咬咀以水七升煮取三升去滓分三服

治肺痿吐涎沫不止桂枝去芍藥加皂莢湯方

桂枝

生薑各三兩

甘草二兩

皂莢挺一

大棗枚十二

右五味咬咀以水七升煮取三升去滓分三服

治肺脹欬而上氣咽燥而喘脉浮者心下有水麻黃湯方

麻黃

芍藥

生薑仲景用乾薑

細辛

桂心各三兩

半夏

五味子各半

石膏四兩

右八味咬咀以水一斗煮取三升分三服仲景名此為小青龍加石膏湯用甘草三兩為九味

肺癰第七論一首方五首

論曰病欬唾膿血其脉數實者屬肺癰虛者屬肺痿欬而口

中自有津液舌上胎滑此為浮寒非肺痿若口中辟辟燥欬

即胸中隱隱痛脉反滑數此為肺癰也問曰病者欬逆師脉

之何以知爲肺癰當有膿血吐之則死後竟吐膿死其脉何類何以別之師曰寸口脉微而數微則爲風數則爲熱微則汗出數則惡寒風中於衛呼氣不入熱過於榮吸而不出風傷皮毛熱傷血脉風舍於肺其人則欬口乾喘滿咽燥不渴多唾濁沫時時振寒熱之所過血爲凝滯蓄結癰膿吐如米粥始萌可救膿已成則難治寸口脉數跌陽脉緊寒熱相搏故振寒而欬跌陽脉浮緩胃氣如經此爲肺癰師曰振寒發熱寸口脉滑而數其人飲食起居如故此爲癰腫病醫反不知而以傷寒治之不應愈也何以知有膿膿之所在何以別知其處師曰假令膿在胃中者爲肺癰其脉數欬唾有膿血設膿未成其脉自緊數緊去但數膿爲已成也

治欬胃中滿而振寒脉數咽乾而不渴時時出濁唾腥臭久吐膿如粳米粥是爲肺癰桔梗湯方

桔梗

三兩集驗用二兩
古今錄驗用一枚

甘草

二兩

右二味咬咀以水三升煮取一升去滓分二服必吐膿血

也

一方有款冬
花一兩半

治肺癰喘不得卧葶藶大棗瀉肺湯方

葶藶

三兩
末之

大棗

二十枚

右二味先以水三升煮棗取二升去棗內藥一棗大煎取

七合頓服令盡三日服一劑可服三四劑

治肺癰背脅脹一身面目浮腫鼻塞清涕出不聞香臭欬逆

上氣喘鳴迫塞葶藶大棗瀉肺湯主之用前方先服小青龍

湯一劑乃進之小青龍湯方

出第十八卷
效嗽篇中

治欬有微熱煩滿背心甲錯是為肺癰黃昏湯方

黃昏手掌大一片是合昏皮也咬咀以水三升煮取一升

分二服

又方

葶藶

切二升以水二斗煮取五升去滓

薏苡仁

半升

瓜瓣

半升

桃人

三十枚

右四味咬咀內葶藶汁中煮取二升服一升當有所見吐膿血

飛尸鬼疰第八

論一首灸法十二首

方四十五首

論曰凡諸心腹痛服衆方熱藥入腹寂然不動但益氣息急者此尸疰病也宜先服甘草汁一升消息少時服瞿麥湯盡劑得下便覺寬也并暴癆堅結宿食及女人血堅痛發作無定者神良

五疰湯治卒中賊風遁尸鬼邪心腹刺痛大脹急方

大黃

甘草

各三兩

當歸

芍藥

各二兩

烏頭

十枚

生薑

蜜

一

桂心

四兩

右八味咬咀別漬大黃以水九升煮取三升烏頭別內蜜中煎令得一升投湯中去滓分服三合如人行二十里久

更進一服日三不知加至四合

蜈蚣湯治惡疰邪氣往來心痛徹背或走入皮膚移動不定
苦熱四肢煩疼羸乏短氣方

蜈蚣一枚

牛黃一分

大黃二兩

丹砂

人參各三分

細辛

鬼臼

當歸

桂心

乾薑各二兩

黃芩

麝香各半兩

附子四枚

右十三味以水一斗煮取三升去滓下牛黃麝香末

分三服

治卒中惡賊風寒冷入腹便絞痛或飛尸遁尸發作無時搶
心背滿脅痛如刀刺口禁者方

甘草

乾薑

乾地黄

茯苓

羊脂

當歸

細辛各一分

芍藥

吳茱萸 桂心略二 梔子人樹十五

右十一味咬咀以水八升煮取三升去滓內脂烱盡分三

服欲利者加大黃二兩

治卒中惡風角弓反張或飛尸遁尸心腹絞痛者方

茯苓 芎藭 當歸 乾地黄

甘草略一 桂心 吳茱萸 乾薑

芍藥略二 梔子人樹十四

右十味咬咀以水八升煮取三升分三服痛甚者加羊脂

三兩當歸人參芍藥各一兩心腹堅急加大黃三兩

桃皮湯治中惡氣心腹痛背脅脹滿短氣方

桃白皮一握東引者 真朱 附子略一 梔子人樹十四

當歸兩三 豉合五 桂心兩二 吳茱萸合五

右八味咬咀以水五升煮取二升去滓內真朱末分作二

服一方無當歸以下四味

桃奴湯治中惡毒氣蠱疰心腹卒絞痛方

桃奴

當歸

人參

乾薑

各二兩

芎藭

甘草

略三兩

丹砂

麝香

茯苓

犀角

鬼箭羽

桂心

各一兩

右十二味咬咀以水九升煮取二升半去滓分三服未食

服大便不通腹滿者加大黃三兩芒消二兩胡洽有雄黃一兩無丹砂芎藭

治卒中風寒冷温氣入腹虚脹急滿搶心昏脅又痛氣息不

通脉弦緊汗不出及得傷寒方

吳茱萸

當歸

麻黃

獨活

甘草

桔梗

茯苓

略二兩

桂心

青木香

石膏

大黃

犀角

各二兩

右十二味咬咀以水九升煮取六升分三服日三

治風冷氣入腹忽然絞痛堅痛急如吹大小便閉小腹有氣
結如斗大脹滿起其脉弦老者沈遲方

瞿麥

當歸

鬼箭羽

猪苓

桔梗

防已

海藻

吳茱萸

芎藭

各二兩

桂心

大黃

各三兩

右十一味咬咀以水九升煮取三升分三服亦可用犀角

二兩

治諸雜症相連續死亦治三十年衆症方

桃根白皮一斤咬咀以水二斗煮取一斗去滓分八九服

二日服之令盡

崔氏用桃根白皮治症
在心腹痛不可忍者

又方 擣桃人二七枚研酒服之

又方 小芥子末之雞子白和傳

尸疰鬼疰者即五尸之中尸疰又挾諸鬼邪為害者也其變

動乃有三十六種至九十九種大略令人寒熱淋瀝沈沈嘿
嘿不的知其所苦而無處不惡累年積月漸就頓滯以至於
死死後復注易傍人乃至滅門覺如此候者且急療之方
獺肝一具陰乾治下篩水服一方寸匕日三如一具不差
更作

小附著散治飛尸賊風發時急痛不在一處針則移發一日
半日乃差須更復發方

細辛

天雄

甘草

各一分

桂心

三分

附子

兩一

烏頭

兩一

乾薑

兩一

雄黃

真朱

各半兩

右九味治下篩酒服方寸匕不知稍增以知為度

胡洽有蜀椒四

分不用桂心附子

大附著散治五疝疝忤與前狀同方

黃芩

由跋略一

金牙

犀角

麝香

牛黃各一

天雄

桂心略半

椒目

細辛

雄黃

乾薑

黃連略一

真朱分三

蜈蚣枚

右十五味治下篩酒服一錢七日三以知為度

大金牙散主一切疰方在第十二卷中

金牙散主鬼疰風邪鬼語尸疰或在腰脊骨脅流無常處不喜見人志意不定面目脫色目赤鼻張脣乾甲黃方

金牙分

蜈蚣

蜥蜴

附子略一

蜚蠊

亭長略七

元青

徐長卿

斑猫略十

貝母枚二

人參

狼牙略四

雄黃

鐵精

野葛

芎藭

大黃

甘草

蛇蛻皮

露蜂房

曾青

真珠

丹砂

藺茹

乾漆絡一

桔梗

鬼臼

石長生

椒目

烏頭

狼毒

蕪荑

鬼督郵

鬼箭羽

藜蘆

狸骨一作鶴骨

雷丸

鼈甲

滑石絡二 分一

圭母公分三

石膏分五

寒水石

桂心絡四

牛黃

胡塏鳥屎 絡二

右四十五味治下篩先食以酒服一斗圭日再不知漸加

之蟲隨大小便出

崔氏名蜀 金牙散

白木散治風入藏腑悶絕常自躁痛或風疰入身冷疰鬼疰
飛尸惡氣腫起或左或右或前或後或內或外針灸流移無
有常處驚悸腹脹氣滿心頭痛或恍惚悲懼不能飲食或
進或退陰下濕癢或大便有血小便赤黃房中勞極方

白朮樹四

附子

秦艽

人參

牡蠣

蜀椒

細辛

黃芩

芎藭

牛膝各三

乾薑

桂心

防風各五

茯苓

桔梗

當歸

獨活

柴胡各四

烏頭

甘草

麻黃

石南

莽草

栝樓根

天雄

杜仲各二

右二十六味治下篩平旦酒服五分訖如人行七里久勢

欲解更飲酒五合為佳

太乙備急散治卒中惡客忤五尸入腹鬼刺鬼疰及中蠱症吐血下血及心腹卒痛腹滿傷寒熱毒病六七日方

雄黃

桂心

芫花各二

丹砂

蜀椒各一

藜蘆

巴豆各一

野葛各三

附子分五

右九味巴豆別治如脂餘合治下篩以巴豆合和更擣合和調置銅器中密貯之勿泄有急疾水服錢五匕可加至半錢匕老少半之病在頭當鼻衄在膈上吐在膈下利在四肢當汗出此之所為如湯沃雪手下皆愈方宜秘之非賢不傳

龍牙散治百症邪氣飛尸萬病方

龍牙

茯苓略二兩半

雄黃

棗膏

芍藥各五分

乾地黄

石斛

胡燕屎各三分

銅鏡鼻

甘草

橘皮

芎藭

鬼督郵

遠志

鼈甲略半兩

狸陰具二

蜈蚣枚

鬼箭羽

烏頭

羗活

露蜂房

曾青

真珠

桂心

宋本缺據元版補刊

杏人

防風

桃奴

鬼臼

鶴骨兩各一

人參

大黃兩各一

蘇子兩各一

白木兩二

右三十三味治下篩酒服一斗圭以知為度當有蟲從便出
治鬼疰蠱疰毒氣變化無常方

鮫魚皮

犀角

麝香

丹砂

雄黃

蜈蚣

丁香

藁荷根

鹿角

龍骨

蜀椒

乾薑兩各一

貝子兩各一

右十三味治下篩酒服方寸匕加至二七日三

備急散主卒中惡風氣忤迷絕不知人方出第十二卷三味備
治暴心痛面無顏色欲死者方

以布裏鹽如彈丸大燒令赤置酒中消服之痢即愈

治蠱症方

燒猫兒屎灰水服之用雄猫兒

治卒得惡症腹脹墨奴丸方

釜下墨合 鹽合

右二味合治下以水一升半煮取八合一服使盡須更吐
下即差

治哭症方

梳齒間刮取垢水服之

又方

臘月猪脂合 亂髮兩一

右二味煎髮令消烱服之蟲死矣

又方 熬大豆帛裏熨之

治一切病食症方

釜下土雞子大末之酢泔清一升和服行五十步吐即差
治凡食上得病名為食疰方

還取本食種數多少相似各少許和合布裏燒灰取杏人
大水服之

鶴骨丸主遁尸飛尸積聚骨痛連背走無常處或在藏或腫
在腹或奄奄然而痛方

鶴骨

十三分

雄黃

莽草

丹砂

一作丹參

牡蠣

各四分作牡丹

藜蘆

桂心

野葛

各二分

斑猫

十四枚

巴豆

四十枚

蜈蚣

一枚

芫青

十四枚

右十二味末之蜜丸服如小豆大二九日三以知為度

蜥蜴丸主癥堅水腫蜚尸遁尸寒尸喪尸尸注骨血相注惡

氣鬼忤蛄毒邪氣往來夢寤存亡流飲結積虎狼所齧痢犬

所咋鳩毒入人五藏服藥以殺其毒毒即消婦人邪鬼忤亦

能遣之方

蜥蜴

枚二

地膽

枚五十

麈尾

枚四十

杏仁

枚三十

蠅娘

枚十四

蚤虫

枚三十

朴消

分七

澤漆

分二

芍藥

分五

虎骨

分六

甘草

兩一

桃奴

分二

犀角

分一

巴豆

分七

鬼督郵

分二

乾薑

分四

桑赤雞

分二

款冬花

分三

甘遂

分五

蜈蚣

枚二

右二十味別治巴豆杏仁如膏內諸藥末研調下蜜搗二

萬杵丸如麻子大食前服三九日一不下加之不取吐下

者一九旦服有人風冷注癖堅二十年得愈與積聚

治諸症病毒症鬼症食症冷症痰飲宿食不消酒癖桔梗丸

桔梗

藜蘆

皂莢

巴豆

附子

各二兩

右五味末之蜜和搗萬杵宿不食旦起飲服二丸如梧子

大仰卧服勿眠至食時膈上吐膈下下去惡物如科斗蝦
蟄子或長一二尺下後當大虛口乾可作雞羹飲五合大
極飲一升食粥三四日病未盡更服忌如藥法
十疰丸主十種疰氣疰勞疰鬼疰冷疰生人疰死人疰尸疰
食疰水疰土疰等方

雄黃

巴豆各二兩

人參

甘草

細辛

一作藜蘆

桔梗

附子

皂莢

蜀椒

麥門冬各二兩

右十味末之蜜丸空腹服如梧子大五九日二稍加以知
為度

太一神明陷冰丸主諸病破積聚心下支滿寒熱鬼疰長病
欬逆唾噫辟除眾惡鬼逐邪氣鬼擊客忤中惡冑中結氣咽
中閉塞有進有退繞臍絞痛惻惻隨上下按之挑手心中悞

愠如有虫狀毒注相染滅門方

雄黃兩二

元青枚五

桂心兩二

眞珠兩半

麝香

人參

犀角

鬼臼兩各一

附子兩半

蜈蚣枚一

烏頭枚八

杏仁枚三十

射罔

兩一

丹砂兩二

蜥蜴枚一

斑猫枚七

藜蘆

礬石各二兩一作礬石

樗雞枚七

地膽枚七

牛黃兩一

當歸兩三

巴豆分一

大黃兩二

右二十四味末之以蜜和擣三萬杵丸如小豆大先食服二九日再不知稍增以藥二九著明上令衆邪不近傷寒服之無不愈若至病家及視病人夜行獨宿服二九衆鬼不能近也胡洽無元青桂心眞麝香人參犀角烏頭射罔蜥蜴樗雞牛黃當歸只十二味與積聚篇重江南度世丸主萬病癥結積聚伏尸長病寒熱疰氣流行皮中久病著牀肌肉消盡四肢煩熱嘔逆不食傷寒時氣惡疰

汗出口噤不開心痛方

蜀椒兩三

人參

細辛

甘草各二兩

茯苓

真珠

大黃

乾薑

丹砂

野葛

桂心

雄黃

鬼臼

麝香各一兩

烏頭

牛黃各三

附子

紫苑各六分

巴豆六十枚

蜈蚣二枚

右二十味末之蜜丸飲服小豆大二丸加至四丸日一加
瀨肝一具尤良

大度世丸主萬病與前狀同方

牛黃

大黃

雄黃

細辛

附子

真珠

甘草

人參

射罔

丹砂

鬼臼

莽草各一兩

蜀椒

麝香

鬼箭羽

茯苓

桂心

紫菀兩二

乾薑兩三

野葛尺一

蜥蜴

蜈蚣枚各一

巴豆人枚十

地膽枚五十

元青枚十

樗雞枚二十

右二十六味末之蜜丸以飲服如小豆二九日二先食服之

治疰病相染易及霍亂中惡小兒客忤長病方

獺肝具一

雄黃

莽草

丹砂

鬼臼

犀角

巴豆兩一

麝香分一

大黃

牛黃兩一

蜈蚣枚一

右十一味末之蜜丸空腹服如麻子大二九加至三九以

知為度

雷氏千金丸主行諸氣宿食不消飲實中惡心腹痛如刺及

瘡方

大黃分五

巴豆人枚十

桂心

乾薑兩各二

消石分三

右五味末之蜜丸擣三千杵服如大豆二丸神驗無比已死者折齒灌之

治卒得尸疰毒痛往來方

亂髮灰 杏人

右二味等分研如脂酒服梧子三九日三姚氏以猪膏和丸

治遁尸尸疰心腹刺痛不可忍者方

桂心 乾薑各一兩 巴豆人兩二

右三味治下節以上酢和如泥傳病上乾即易之

芥子薄主遁尸飛尸又主暴風毒腫流入四肢頭面方

白芥子一升蒸熟擣以黃丹二兩攪之分作兩分踈布袋

盛之更蒸使熱以薄痛上當更迭蒸袋常使熱薄之如此

三五度即定

治遁尸尸疰心腹及身有痛處不得近方

取艾小按令碎著痛上厚一寸餘熱湯和灰令強熱置艾上冷即易不過二三度差

治人皮膚中痛名曰癢疰方

醋和鷲窠土傳之

治走疰方

燒車缸令熱暫入水以濕布裏熨病上

治三十年氣疰方

豉心升半

生椒合

右二味以水二升煮取半升適寒溫用竹筒縮取汁令病者側卧手擘大孔射灌之少時當出惡物此法垂死悉治得差百千不可具說

凡五尸者飛尸遁尸風尸沈尸尸疰也今皆取一方兼治之

其狀腹痛脹急不得氣息上衝心胃傍攻兩脅或壘塊踊起
或攣引腰背治之法灸乳後三寸男左女右可二十七壯不止
者多其壯取愈止

又灸兩手大拇指頭各七壯

又灸心下三寸十壯

又灸乳下一寸隨病左右多其壯數

又以細繩量患人兩乳頭內即裁斷中屈之又從乳頭向外
量使當肋鏡於繩頭灸三壯或七壯男左女右
卒症忤攻心胃灸第七椎隨年壯

又灸心下一寸三壯

又灸手肘文隨年壯

一切病食症灸手小指頭隨年壯男左女右

五毒母症不能飲食百病灸心下三寸胃管十壯

水疰口中涌水經去肺來乘腎食後吐水灸肺輸又灸三陰
交又灸期門期門在乳下二肋間瀉肺補腎也各隨年壯
一切疰無新久先仰卧灸兩乳邊邪下三寸第三肋間隨年
壯可至三百壯又治諸氣神良一名注市

備急千金要方卷第十七